



唐律廣選坤

~ 18
1686
2



晚唐 馬戴一 李甫四 胡魯一
 白居易薛逢二 曹唐九 韋莊孟
 元稹一 趙嘏五 章孝標二 劉兼六
 張籍五 項斯三 李昌符一 張纘四
 李紳二 溫庭筠六 來鵬一 李建勳一
 朱餘慶六 李羣玉三 羅隱三 顧雲一
 賈島二 李頻二 羅鄒一 黃滔一
 姚合二 唐紀夫一 秦韜五 勝倪一
 蘓廣文三 李郢七 崔魯一 趙象一
 李商隱三 曹鄴三 崔塗二 潭用之一
 杜牧 圭劉滄 翁承贊一 魚玄機一
 許渾五 張泌一 章碣二 僧護國一
 李遠五 崔珣一 鄭谷八 僧靈一三
 雍陶一 陸龜蒙九 皮日休三 僧皎然一
 姚合 韋承貽一 曹松三 僧貫休二
 柴夔一 方干三 韓偓四 僧處默一

四百六十四首

唐律廣選卷之五

晚唐



清明望洛城贈韓道士

白居易

風光烟火清明日 歌哭悲歡城市間
 何事不隨東洛水 誰家又葬北邙山
 中橋車馬長無已 下渡舟航亦不閑
 塚墓累累人擾擾 遼東悵望鶴飛還

三月三日

書堂三月初三日 絮撲紗窓燕拂簷
 蓮子數杯嘗冷酒 柘枝一曲試春衫
 堦臨池面勝看鏡 戶映花叢當下簾
 指點樓南玩新月 玉鉤素手兩纖纖
 病中多雨逢寒食

唐律五



水國多陰常懶出老夫饒病愛閑眠三旬卧度鷺
花月一半春銷風雨天薄暮何人吹鬢篋新晴幾
處縛鞦韆綠繩芳樹長如舊唯是年年換少年

寒食日寄揚東川

不知楊六逢寒食作底歡娛過此辰
堯率寺高宜望月嘉陵江近好遊春
蠻旗似火行隨馬蜀妓如花坐遶身
不使黔婁夫婦看誇張富貴向何人

聞行簡恩賜章服喜成長句

吾年五十加朝散爾亦今年賜服章
齒髮恰同知命歲官銜俱是客
曹郎榮傳錦帳花聯萼綵動綾袍
鴈趁行大抵着緋宜老大莫嫌秋鬢數經霜

春盡日宴罷感事獨吟

五年三月今朝盡客散筵空獨掩扉
病共樂天相伴住春隨樊子一時歸
閑聽鶯語移時立思逐楊花觸處飛
金帶縵腰衫委地年年衰瘦不勝衣

閑居春盡

閑泊池舟靜掩扉老身慵出客來稀
愁因暮雨留教住春被殘鶯喚遣歸
揭甕偷嘗新熟酒開箱試着舊生衣
冬裘夏葛相催促佞垂老光陰速似飛

和談校書秋夜感懷呈朝中親友

遙夜涼風楚客悲清砧繁漏月高時
秋霜似鬢年空長春草如袍位尚卑
詞賦擅名來已久烟霄得

唐律五
路去何遲漢廷卿相皆知已不薦楊雄欲薦誰

城上夜宴

留春不住登城望惜夜相將秉燭遊明月萬家河
兩岸笙歌一曲郡西樓詩聽越客吟何苦酒被吳
娃勸不休從道人生都是夢夢中歡笑亦勝愁

夜歸

半醉閑行湖岸東馬鞭鼓鐙響瓏璫萬株松樹青
山上十里沙堤明月中樓角漸移當路影潮頭欲
過滿江風歸來未放笙歌散畫戟門開蠟燭紅

臘後歲前遇景詠意

江梅半白柳微黃凍水初融日欲長度臘都無苦

霜霰迎春先有好風光郡中起晚聽衙鼓城上行
慵倚女墻公事漸閒身且健使君殊未厭餘杭

春至

若為南國春還至爭向東樓日又長白片落梅浮
澗水黃梢新柳出城墻閑拈蕉葉題詩詠悶取藤
枝引酒嘗樂事漸無身漸老從今始擬負風光

四年春

柳稍黃嫩草芽新又入開成第
四春近日放慵多
不出少年樵老可相親
分司吉傳頗過舍
致仕崔卿擬卜鄰
時輦推遷年事到
往還多是白頭人

夜宴惜別

笙歌綺筵曲終頭轉作離聲滿座愁
箏怨朱絃從此斷燭啼紅淚為誰流
夜長似歲聳宜盡醉未如泥飲莫休
何況雞鳴即復別門前風雨冷脩脩
早春醉吟寄太原令狐相公蘇州劉郎中
雪夜閑遊多秉燭花時暫出亦提壺
別來少遇新詩敵老去難逢舊飲徒
大振威名降北虜勤行惠化活東吳
不知歌酒騰騰興得似河南醉尹無

醉中酬殷協律

泗水城邊一分散浙江樓上重遊陪
揮鞭二十年前別命駕三千里外來
醉袖放狂相向舞愁眉和笑一時開
留君夜住非無分且盡青娥紅燭臺

西省對花憶忠州東坡新花樹因寄題東樓
每看闕下丹青樹不忘天邊錦繡林
西掖垣中今日眼南賓樓上去年心
花含春意無分別物感人情有淺深
景憶東坡紅爛熳野桃山杏水林擒

荅微之見寄

可憐風景浙東西先數餘杭次會稽
禹廟未勝天竺寺錢湖不羨若耶溪
擺塵野鶴春毛暖拍水沙鷗濕翅低
更對雪樓君愛否紅欄碧甃點銀泥

香爐峯下新十草堂成偶題二首

五架三間新草堂石階桂柱竹編墻
南簷納日冬春暖北戶迎風夏月涼
灑砌飛泉纔有點拂窓斜

竹不成行來春更葺東廂屋紙閣蘆簾著孟光
喜入山林初息影厭趨朝市久勞生早年薄有烟
霞志晚歲深諳世俗情已許虎溪雲裏卧不爭龍
尾道前行從茲耳界應清淨免見秋秋毀譽聲

行次夏口先寄李大夫

連山斷處大江流紅旆逶迤鎮上游幕下翱翔秦
御史軍前奔走漢諸侯曾陪劍履升鸞殿欲謁旌
幢入鶴樓假着緋袍君莫笑恩深始得向忠州

入峽吹巴東

不知遠郡何時到猶喜全家此去同萬里玉程三
峽外百年生計一舟中巫山暮足露花雨隴水春

多逆浪風兩片紅旌數聲鼓使君樓櫓上巴東

風雨晚泊

苦竹林邊蘆葦叢停舟一望思無窮青苔撲地連
春雨白浪掀天盡日風忽忽百年行欲半茫茫萬
事坐成空此生飄蕩何時定一縷鴻毛天地中

天津橋

津橋東北斗亭西到此令人詩思迷眉月晚生神
女浦臉波春傍窈娘堤柳絲嫋嫋風縹縹出草縷葺
茸雨剪齊報道前驅少呼唱恐驚黃鳥不成啼

題處士郊居

半依雲渚半依山愛此令人不欲還負郭田園八

九頃向陽茅屋兩三間寒松縱老風標在野鶴雖
饑飲啄閑一卧江村來早晚著書盈帙鬢毛斑

湖上代諸妓寄嚴郎中

笙歌杯酒正歡娛忽憶仙郎望帝都借問連宵直
南省何如盡日醉西湖蛾眉別久心知否雞舌含
多口厭無還有些些惆悵事春來山路見蘼蕪

西湖留別

征途行色慄風烟相悵離聲咽管絃翠黛不須留
五馬皇恩只許住三年綠簾陰下鋪歌席紅藕花
中泊妓舫處處迴頭盡堪戀乾中難別是湖邊

江樓宴別

樓中別曲催離酌燈下紅裙間綠柁縹緲楚風羅
綺薄瑋瓊越調管絃高寒流帶月燈如鏡夕吹和
霜利似刀樽酒未空歡未盡舞腰歌袖莫辭勞

味道

叩齒晨興秋院靜焚香宴坐晚窓深七篇真誥論
仙事一卷檀經說佛心此日盡知前境妄多生曾
被外塵侵自嫌習性猶殘處愛咏閑詩好聽琴

盧侍御崔評事為予於黃鶴樓致宴

江邊黃鶴古時樓為置華筵待我遊楚思森然雲
水冷商聲清脆管絃秋白花浪幾頭陀寺紅葉林
籠鸚鵡洲總是平生未行處醉來堪賞醒堪愁

庚樓晚望

獨憑朱檻立，凌晨山色初。明水色新竹，霧曉籠衝
嶺。月蘋風暖，送過江春子。城陰處，猶殘雪，衙鼓聲
前，未有塵三百年來。庚樓上，曾經多少望鄉人。
尋郭道士不遇

郡中乞暇來相訪，洞裡朝元去不逢。看院祇留雙
白鶴，入門唯見一青松。藥鑪有火丹應伏，雲碓無
人水自舂。欲問參同契，中事更期何日得。從容
醉封詩筒寄微之

一生休戚與窮通，處處相隨事事同。未死又隣滄
海郡，無兒俱作白頭翁。展眉只仰三杯後，代面唯

憑五字中為向兩州郵吏道，莫辭來去誦詩筒

尋王道士藥堂

行行覓路綠松嶠，步步尋花到杏壇。白石先生小
有洞，黃芽姹女大還丹。常悲東郭千家塚，欲乞西
山五色丸。但恐長生須有籍，仙臺試為檢名看

酬李鍊師見招

幾年司諫直承明，今日求真禮上清。曾犯龍鱗容
不死，欲騎鶴背覓長生。劉綱有婦仙同得，伯道無
兒累更輕。若許移家相近住，便驅雞犬上層城

自朝

五十八翁方有後，靜思堪喜亦堪嗟。一珠甚小還

勳蚌八子雖多不羨鴉秋月晚生丹桂實春風新
長紫蘭芽持盃祝願無他語慎勿頑愚似汝爺

求護上人就郡說維摩經臨別請詩

五夏登壇內殿師水為心地王為儀正傳金粟如
來偈何用錢塘太守詩苦海出來應有路靈山別
後可無期他生莫忘今朝會虛白亭中法樂時

齋戒滿夜戲招夢得

紗籠燈下道場前白日持齋夜坐禪無復更思身
外事未能全盡世間緣明朝又擬親盃酒今夕先
聞理管絃方丈若能來問疾不妨兼有散花天

令狐相公以詩寄贈短章酬謝

新詩傳詠忽紛紛楚老吳娃耳徧聞畫解呼為好
才子不知官是上將軍詞人命薄多無位戰將功
高少有文謝眺篇章韓信鉞一生靈得不如君

酬皇甫庶子見寄

掌綸不稱君應笑典郡無能我自知別詔忽驚新
命出同寮偶與夙心期春坊瀟灑優閑地秋鬢滄
浪老大時獨占二疎應未可能樓見擬覓分司

得微之到官後書悵然有感

通州海內樓連地司馬人間冗長官傷鳥有弦驚
不定卧龍無水動應難劍埋獄底誰深掘松偃霜
中盡冷看舉目爭能不惆悵高車大馬滿長安

得行簡書聞欲下峽先以此寄

朝未又得東川信欲取春初發梓州書報九江聞
暫喜路經三峽想還愁瀟湘瘴霧加餐飯艷頰驚
波穩泊舟欲寄兩行迎雨淚長江不肯向西流

得湖州楊相公繼之書并詩以此寄之

詩情書意兩殷勤來自天南瘴海濱初覩銀鈞還
啓齒細吟瓊什欲沾巾鳳池隔絕三千里蝸舍沉
冥十五春唯有新昌故園月至今分照兩鄉人

得湖州崔使君書喜與杭越隣郡兼寄微之

三郡何因此結緣貞元科第忝同年故情歡喜開
書後舊事思量在眼前越國封疆吞碧海杭城樓

閣入青烟吳興早小君應屈為是蓬萊最後仙

送王十八歸山寄題仙遊寺

曾於太白峯前往數到仙遊寺裡來黑水澄時潭
底出白雲破處洞門開林間煖酒燒紅葉石上題
詩掃綠苔惆悵舊遊無復到菊花時節羨君迴

閑適

祿俸優饒官不卑就中閑適是分司風光煖助遊
行處雨雪寒供飲燕時肥馬輕裘還且有麤歌薄
酒亦相隨微躬所要令皆得只是蹉跎得校遲

初授贊善大夫寄李助教

病身初謁青宮日衰貌新垂白髮年寂寞曹司非

熱地蕭條風雪是寒天
遠坊早起常侵鼓瘦馬行
遲苦費鞭一種共君官
職冷不如猶得日高眠

送姚杭州赴任因思舊遊

與君細話杭州事為我
留心莫等閑間里固宜
勤撫恤樓臺亦要數躋
攀笙歌縹緲虛空裏風
月依稀夢想間且喜詩
人重管領遙飛一盞賀
江山

哭崔二十四常侍

貂蟬初別九重門馬鬣
新封四尺墳薤露歌詞
非白雪銘旌官爵是浮
雲伯倫每置隨身鍾元
亮先為自祭文莫道高
風無繼者一千內有崔
君

初到江州寄翰林張李杜三學士

早攀霄漢上天衢晚落
風波委世途雨露施恩
無厚薄蓬蒿隨分有榮
枯傷禽側翅驚弓箭老
婦低頭事舅姑碧落三
山曾識面年深起得姓
名無

兄弟離散望月有感

時難年饑世業空弟兄
羈旅各西東田園寥落
干戈後骨肉流離道路
中弔影分為千里鴈辭
根散作九秋蓬共看明
月應垂淚一夜鄉心五
處同

洛下雪中與劉李二賓客宴集寄汴州李尚

書

水南水北雪紛紛雪裏
歡遊莫厭頻日日暗來
唯老病年年少去是交
親碧氈帳暖梅花濕紅
燎燼

香竹葉春今日鄒枚俱在洛梁園置酒召何人

談氏小外孫玉童

外翁七十加三歲笑指琴書欲遣傳自念老夫今
耄矣因思稚子更茫然中郎餘慶鍾羊祜子幼能
文似馬遷才與不才爭料得東林空後且嬌憐

聞楊十二新拜省郎遙以詩賀

文昌新入有光輝紫界宮牆白粉闈曉日鷄人傳
漏箭春風侍女護朝衣雪飄歌句高難和鶴拂烟
雲老慣飛官職聲名俱入手近來詩客似君稀

夜宿江浦聞元八改官

君遊丹陛已三遷我汎滄浪欲二年劍珮晚趁雙

鳳闕煙波夜宿一漁船交親盡在青雲上御國遙
拋白日邊若報生涯應笑殺結茅栽芋種畬田

自喜

自喜天教我少緣家徒行計兩翩翩身兼妻子都
三口鶴與琴書共一船僮僕減來無冗食糧糈筭
外有餘錢蕪將貯作丘中費猶免饑寒得數年

聞樂感鄰

老去親朋零落盡秋來絃管感傷多尚書宅畔悲
鄰笛廷尉門前歎雀羅綠綺窓空分妓女絳紗帳
掩羅笙歌歡娛未足身先去爭奈書生薄命何

荅夢得秋庭獨坐見贈

林梢隱映夕陽殘
庭際蕭疎夜氣寒
霜草欲枯蟲思急
風枝未定鳥棲難
容衰見鏡同惆悵
身健逢盃且喜歡
應是天教相暖熟
一時垂老與閑官

歲暮

窮陰急景坐相催
壯齒韶顏去不迴
舊病重因年老發
新愁多是夜長來
膏明自爇綠多事
鴈默先烹為不才
榻榻細尋無會處
不如且進手中杯

與夢得同到敦詩宅感而題壁

山東纔副蒼生願
川上俄驚逝水波
履道淒涼新第宅
宣城零落舊笙歌
園荒惟有薪堪採
門冷兼無雀可羅
今日相隨偶同到
傷心不是故經過

江樓晚眺寄水部張員外

澹烟疎雨間斜陽
江色鮮明海氣涼
蜃散雲收破樓閣
虹殘水照斷橋梁
海翻白浪花千片
鴈點青天字一行
好著丹青圖寫處
題詩寄與水曹郎

酬樂天得稹所寄綠絲布白輕衫服以詩報之
允稹

盜城萬里隔巴庸
紵薄絲輕共一封
腰帶定知今瘦小
衣衫難作遠裁縫
唯愁書到炎涼變
忽見詩來意緒濃
春草綠茸雲色白
想君騎馬好儀容

送盧戡

紅樹蟬聲滿夕陽
白頭相送倍相傷
老嗟去日光

陰促病覺今年晝夜長
顧我親情皆遠道
念君兄弟欲他鄉
紅旗滿眼襄州路
此別淚流千萬行

送友封二首

桃葉成陰鷺引雛
南風吹浪颭檣烏
瘴雲拂地黃梅雨
明月滿帆青草湖
迢迢旅魂歸去遠
顛狂酒興病來孤
知君兄弟憐詩句
遍為姑將惱大巫
惠和坊裡當時別
豈料江陵送上舡
鵬翼張風期
萬里馬頭無角已
三年甘將泥尾隨
龜後尚有雲心在
鶴前若見中丞忽
相問為言腰折氣衝天

送致用

淚霑雙袖血成文
不為悲身為別君
望鶴眼穿期
海外待烏頭
白老江濱遙看道
浪愁翻雪漸失征
帆錯認雲欲識
九回腸斷處
潯陽流水九條分

初除浙東妻有阻色以詩曉之

嫁時五月歸巴地
今日雙旌上越州
興慶首行千命婦
會稽旁帶六諸侯
海樓翡翠閑相逐
鏡水鴛鴦暖共遊
我有主恩羞未報
君於此外更何求

幽棲

野人自愛幽栖所
近對長松遠是山
盡日望雲心不繫
有時看月夜方閑
壺中天地乾坤外
夢裏身名旦暮間
遼海若思千歲鶴
且留城市會飛還

和樂天早春見寄

雨香雲淡覺微和誰送春聲入棹歌
萱近北堂穿土早柳偏東面受風多
湖添水色消殘雪江送潮頭湧漫波
同受新年不同賞無由縮地欲如何

酬樂天歎窮愁見寄

病煎愁緒轉紛紛百里何由說向君
老去心情隨日減遠來書信隔年聞
三冬有電運春雨九月無霜盡火雲
併與巴南終歲熱四時誰道各平分

以州宅誇于樂天

州城迥達拂雲堆鏡水稽山滿眼來
四面常時對屏障一家終日在樓臺
星河似向簷前落鼓角驚從地底迴
我是玉皇香案吏謫居猶得住蓬萊

重過州宅兼酬前篇

仙都難畫亦難書暫合登臨不合居
統郭烟嵐新雨後滿山樓閣上燈初
人聲曉動千門闕湖色宵涵萬象虛
為問西州羅刹岸濤頭衝突近何如

寒食內宴

張籍

城闕沉沉向曉寒恩當冷節賜餘歡
瑞烟入處開三殿香雨微時引百官
寶樹樓前分繡幙綵花廊下映華欄
宮筵戲樂年年別已得三迴對御者

贈趙將軍

當年膽略已縱橫每見妖星氣未平
身貴早登龍尾道功高自破鹿頭城
尋常得對論邊事委曲承

恩掌內兵會取安西將報國凌烟閣上大書名
和裴司空酬楊小尹

聖朝偏重大司空人詠元和第一功擁節高臨漢
水上題詩遠入舜城中共驚向老多年別更憶登
科舊日同誰不望歸丞相府江邊楊柳又秋風

酬杭州白使君兼寄浙東元大夫

相印暫離臨遠鎮掖垣出守復同時一行已作三
年別兩處空傳七字詩越地江山應共見秦天風
月不相知人間聚散真難料莫歎平生信所之

贈梅處士

早聞聲價滿京城頭白江湖放曠情講易自傳新

註義題詩不着舊官名近移馬跡山前住多向牛
頭寺裏行天子如今議封禪應將束帛請先生

寄梅處士

擾擾人間是與非官閑自覺省心機六行班裏身
常下九列符中事亦稀市客慣曾賒藥家童驚
見着新衣君今獨得居山樂應喜多時未辨歸

送汀州元使君

曾成趙北歸朝計因拜王門最好官為郡暫辭雙
鳳闕全家遠過九龍灘山鄉祇有輸蕉戶水鎮
多養鴨欄地僻尋常來客少刺桐花發共誰看
寄蘇州白使君

三朝出入紫微臣頭白金章未在身登第早年同
座主題詩今日異州人閭門柳色烟中遠茂苑
聲雨後新此處吟詩向山寺知君忘却曲江春

贈王商州使君

銜命南來會郡堂却思朝裏接班行才雄猶是山
城守道薄初為水部郎選勝相留開客館尋幽更
引到僧房明朝從此辭君去獨出商關路漸長

寄和州劉使君

別離已久猶為郡閑向春風倒酒瓶送客將過沙
口堰看花多上水心亭曉來江氣連城白雨後山
光滿郭青到此詩情應更遠醉中高咏有誰聽

送鄭尚書赴廣州

聖朝選將持符節內制宣時百辟聽海北蠻夷來
舞蹈嶺南封管送圖經白鸚飛遶迎官舫紅槿開
當讌客亭此處莫言多瘴癘天邊看取老人星

送和蕃公主

塞上如今無戰塵漢家公主出和親邑司猶屬宗
卿寺冊號還同虜帳人九姓旗幡先引路一生衣
服盡隨身氍城南望無迴日空見沙蓬水柳春

送楊少赴鳳翔

詩名徃日動長安首首人家卷裡看西學已行秦
博士南宮新拜漢郎官得錢抵了還書鋪借宅常

時事藥欄今去岐州生計薄移居偏近隴頭寒
書懷寄王秘書

白髮如今欲滿頭從來百事盡應休祇於觸目須
防病不擬將心更養愁下藥遠求新熟酒看山多
上最高樓賴君同在京城住每到花前免獨遊

憶夜直金鑾奉詔承旨

李紳

月當銀漢玉繩低深聽簫韶碧落齊門壓紫垣高
綺樹閣連青瑣近丹梯墨宣外渥催飛詔草定新
恩促換題明日獨歸花路遠可憐人世隔雲泥

入泗口

洪河一派清淮接堤草蘆花萬里秋烟樹蒼茫分

楚澤海雲明滅見揚州望深江漢連天遠思起鄉
關滿眼愁惆悵路歧真此處夕陽西沒水東流

上翰林李舍人

朱慶餘

記得早年曾拜識便憐孤進賞文章免令汨沒漸
時輩與作聲名徹舉場一自鳳池承密旨因令世
路接餘光雲泥雖隔思長在縱使無成也不忘

贈韓協律

永日微吟在竹前骨清唯愛漱寒泉門間多有投
文客身病長無買藥錢嶺寺聽猿獨宿湖亭避
宴動經年親知盡恠疎榮祿的是將心暗學禪

上宣州沈大夫

科名繼世古來稀高步何年下紫微帝命幾曾移
重鎮時清猶望領春闈登朝舊友常思見開幕賢
人併望歸今日得遊風化地却回滄海有光輝

送元處士遊天台

青冥路口絕人行獨與僧期上赤城樹列烟嵐春
更好溪藏冰雪夜偏明空山雉乳禾苗短野館風
來竹氣清若過石橋看瀑布不妨高處便題名

送竇秀才

江南才子日紛紛少有篇章得似君清話未同山
寺宿離歌已向客亭聞梅天馬上愁黃鳥澤國帆
前見白雲通籍名高年又少回頭應笑晚從軍

題錢宇別墅

林居向晚饒清景惜去非關戀酒杯石淨每因杉
露滴地幽漸覺水禽來藥蔬秋後供僧盡竹杖吟
中望月回紅葉閑飄籬落迥行人遠見草堂開

早秋寄題天竺靈隱寺

賈島

峯前峯後寺新秋絕頂高窓見沃州人在定中聞
蟋蟀鶴曾棲處掛獼猴山鐘夜度空江水汀月寒
生古石樓心憶懸帆身未遂謝公此地昔年遊

送羅少府歸牛渚

作尉長安始三日忽思牛渚夢天台楚山遠色獨
歸去灞水空流相送回霜覆鶴身松子落月分螢

影石房開白雲多處應頻到寒澗泠泠漱古苔

寄東都分司白賓客

姚合

闕下高眠過十旬南宮印綬乞離身詩中得意應
千首海內嫵官只一人賓客分司直是隱山泉遶
宅豈辭貧竹齋晚起無多事唯到龍門寺裡頻

送劉禹錫郎中赴蘇州

三十年来天下名銜恩東守闔閭城初經函谷眠
山驛漸入梁園問水程齋日滿江寒浪靜春風遶
郭白蘋生虎丘野寺吳中少誰伴吟詩月裏行

自商山宿陶令舊隱

蘇廣文

聞道花源堪避秦尋幽數日不逢人烟霞洞裏無

雞犬風雨林中有鬼神黃公石上三芝秀陶令門
前五柳春醉卧白雲閑入夢不知何物是吾身

夜放歸華山因寄幕府

山村寥落野人稀竹裏衡門掩翠微溪路夜隨明
月入亭臯春伴白雲歸私康懶慢仍耽酒范蠡逋
逃久拂衣汀畔數鷗閑不起只應知我也忘機

春日過田明府遇焦山人

陶公歸隱白雲溪買得春泉溉藥畦夜靜林間風
虎嘯月明竹上露禽棲陳倉邑吏驚烽火太白山
人訝鼓鼙相見只言秦漢事武陵溪裏草萋萋

送崔珏住西川

李商隱

年少因何有旅愁欲為東下更西遊一條雪浪乳
巫峽千里火雲燒益州卜肆至今多寂寞酒壚從
古擅風流浣花牋紙桃花色好好題詩詠玉鈎

牡丹為雨所敗

浪笑榴花不及春先期零落更愁人玉盤迸淚傷
心數錦瑟驚絃破夢頻萬里重陰非舊圃一年生
意屬流塵前溪舞罷君回顧併覺今朝粉態新

錦瑟

錦瑟無端五十絃一絃一柱思華年莊生曉夢迷
蝴蝶望帝春心託杜鵑滄海月明珠有淚藍田日
暖玉生烟此情可待成追憶只是當時已惘然

富平少侯

七國三邊未到憂十三身襲富平侯不收金彈拋
林外却惜銀牀在井頭綵樹轉燈珠錯落繡檀迴
枕玉雕鏤當關不報侵晨客新得佳人字莫愁

無題五首

來是空言去絕蹤月斜樓上五更鐘夢為遠別啼
難喚書被催成墨未濃蠟照半籠金翡翠麝薰微
度繡芙蓉劉郎已恨蓬山遠更隔蓬山一萬重
颯颯東風細雨來芙蓉塘外有輕雷金蟾啣鎖燒
香入玉虎牽絲汲井迴賈氏窺簾韓掾少宓妃留
枕魏王才春心莫共花爭發一寸相思一寸灰

重幃深下莫愁堂卧後清宵細細長神女生涯元
是夢小姑居處本無郎風波不信菱枝弱月露誰
教桂葉香直道相思了無益未妨惆悵是清狂
相見時難別亦難東風無力百花殘春蠶到死絲
方盡蠟炬成灰淚始乾曉鏡但愁雲鬢改夜吟應
覺月光寒蓬山此去無多路青鳥殷勤為探看
昨夜星辰昨夜風畫樓西畔桂堂東身無彩鳳雙
飛翼心有靈犀一點通隔座送鉤春酒暖分曹射
覆蠟燈紅嗟余聽鼓應官去走馬蘭臺類轉蓬

安宅城樓

迢迢高城百尺樓綠楊枝外盡汀洲賈生年少虛

垂涕王粲春來更遠游永憶江湖歸白髮欲迴天
地入扁舟不知腐鼠成滋味猜意鴛鴦竟未休

隋宮

紫泉宮殿鎖煙霞欲取蕪城作帝家玉璽不緣歸
日角錦帆應是到天涯于今腐草無螢火終古垂
楊有暮鴉地下若逢陳後主豈宜重問後庭花

九城宮

十二層城閭苑西平時避暑拂虹霓雲隨夏后雙
龍尾風逐周王八馬蹄吳岳曉光連翠巘甘泉晚
景上丹梯荔枝盧橘沾恩幸鸞鵲天書濕紫泥

深宮

唐律五
二十一
金殿銷香閉綺籠玉壺傳點咽銅龍狂飈不惜羅
陰薄清露偏和桂葉濃斑竹嶺邊無限淚景陽宮
裏及時鐘豈知為雨為雲處只有高唐十二峯

重過聖女祠

白石巖扉碧蘚滋上清淪謫得歸遲一春夢雨常
飄瓦盡日靈風不滿旗萼綠華來無定所杜蘭香
去未移時玉郎會此通仙籍憶向天階問紫芝

鄭州獻從叔舍人褒

蓬島烟霞閬苑鍾三官牋奏附金龍茅君奕世仙
曹貴許掾全家道氣濃絳簡尚參黃紙案丹爐猶
用紫泥封不知他日華陽洞許上經樓第幾重

餞韓同西迎家室

籍籍征西萬戶侯新緣貴婿起朱樓一名我漫居
先甲千騎君翻在上頭雲路招邀迴彩鳳天河迢
迢笑牽牛南朝禁鬻無人近瘦盡瓊枝咏四愁

飲席戲贈同舍

洞中屐響省分携不是花迷客自迷珠樹重行憐
翡翠玉樓雙舞羨鷓鴣雞蘭迴舊藥屏綠椒綴新
香和壁泥唱盡關山無限疊平杯松葉凍頗黎

和友人戲贈

東望花樓會不同西來靈燕信休通仙人掌冷三
霄露玉女愁虛五夜風翠袖自隨回雪轉燭房還

類外庭空殷勤莫使清香透牢合金魚鎖桂叢

促漏

促漏遙鐘動靜聞報章重疊杳難分舞鸞鏡匣收
殘黛睡鴨香爐換夕熏歸去豈知還向月夢來何
處更為雲南塘漸煖蒲堪結兩兩鴛鴦護水紋

贈鄭讜處士

浪跡江湖白髮新浮雲一片是吾身寒歸山觀隨
棋局暖入汀洲逐釣綸越桂留烹張翰鱸蜀薑供
煮陸機尊相逢一笑憐疎放他日扁舟有故人

和劉評事永樂閑居見寄

白社幽閑君暫居青雲器業我全疎者封諫草歸

鸞掖尚賁衡門待鶴書蓮嶂碧峯關路近荷翻翠
扇水堂虛自探典籍忘名利欹枕時驚落蠹魚

寫意

燕鴈迢迢隔上林高秋望斷正長吟人間路有潼
江險天外山惟玉壘深日向花間留返照雲從城
上結層陰三年已制思鄉淚更入新年恐不禁

二月二日

二月二日江上行東風日暖聞吹笙花鬢柳眼各
無賴紫蝶黃蜂俱有情萬里憶歸元亮井三年從
事亞夫營新灘莫悟遊人意更作風簷夜雨聲

哭劉賁

上帝深宮閉九閭，巫咸不下問銜寬。廣陵別後春
濤隔，滄浦書來秋雨翻。只有安仁能作誄，何曾宋
玉解招魂。平生風儀無師友，不敢同君哭寢門。

籌筆驛

魚鳥猶疑畏簡書，風雲長為護儲胥。徒令上將揮
神筆，終見降王走傳車。管樂有才真不忝，關張無
命欲何如。他年錦里經祠廟，梁父吟成恨有餘。

潭州

潭州官舍暮樓空，今古無端入望中。湘淚淺深滋
竹色，楚歌重疊怨蘭叢。陶公戰艦空灘雨，賈傅承
塵破廟風。日斷故園人不至，松醪一醉與誰同。

對雪

旋撲珠簾過粉牆，輕於柳絮重於霜。已隨江令誇
瓊樹，又入盧家妬玉堂。侵夜可能爭桂魄，忍寒應
欲試梅粧。關河凍合東西路，腸斷斑駁送陸郎。

和人題真娘墓

虎丘山下劍池邊，長遣遊人歎逝川。冪樹斷絲悲
舞席，出雲清梵想歌筵。柳眉空吐效顰葉，榆莢還
飛買笑錢。一自香魂招不得，祗應江上泣嬋娟。

聞歌

歛笑凝眸意欲歌，高雲不動碧差峩。銅臺罷望歸
何處，玉輦忘還事幾多。青塚路邊南鴈盡，細腰宮

裡北人過此聲腸斷非今日香燭燈光奈爾何

銀河吹笙

悵望銀河吹玉笙樓寒院冷接平明重衾幽夢他
年斷別樹羈雌昨夜驚月榭故香因雨發風簾殘
燭隔霜清不須浪作緜山意湘瑟秦簫自有情

茂陵

漢家天馬出蒲梢首著榴花徧近郊內苑只知含
鳳嘴屬車無復挿雞翹玉桃偷得憐方朔金屋粧
成貯阿嬌誰料蘇卿老歸國茂陵松柏雨蕭蕭

可歎

幸會東城宴未迴年華憂共水相催梁家宅裏秦

宮八趙后樓中赤鳳來冰簟且眠金縷枕瓊筵不
醉玉交杯宓妃愁坐芝田館用盡陳王八斗才

南朝

玄武湖中玉漏催鷄鳴埭口繡襦迴誰言瓊樹朝
朝見不見金蓮步步來敵國軍營漂木枿前朝神
廟鎖烟煤滿宮學士皆顏色江令當年只費才

井絡

井絡天彭一掌中漫誇天設劍為峯陣圖東聚烟
江口邊柝西懸雪嶺松堪歎故君成杜宇可能先
主是真龍將來為報奸雄輩莫向金牛訪舊蹤
當句有對

密邇平陽接上蘭秦樓鴛瓦漢宮盤池光不定花
光亂日氣初涵露氣乾但覺遊蜂饒舞蝶豈知孤
鳳憶離鸞二星自轉三山遠紫府程遙碧落寬

一片

一片飛烟隔九枝蓬巒仙仗儼雲旗天泉水暖龍
吟細露晚春多鳳舞遲榆莢散來星斗轉桂花尋
去月輪移人間桑海朝朝變莫遣佳期更後期

馬嵬

海外徒聞更九州他生未卜此生休空聞虎旅鳴
宵柝無復雞人報曉籌此日六軍同駐馬當時七
夕笑牽牛如何四紀為天子不及盧家有莫愁

碧城

碧城十二曲闌干犀辟塵埃玉辟寒閭苑有書多
附鶴女牆無樹不棲鸞星沉海底當窓見雨過河
源隔座看若是曉珠明又定一生長對水精盤

宣州送裴坦判官

杜牧

日暖泥融雪半銷行人芳草馬聲驕九華山路雲
遮寺清弋江村柳拂橋君意如鴻高的的我心懸
旆正摇摇同來不得同歸去故國逢春一寂寥

齊安郡晚秋

柳岸風來影漸疎使君家似野人居雲容水態還
堪賞嘯志歌懷亦自如雨暗殘燈碁散後酒醒孤

枕鴈來初可憐赤壁爭雄渡唯有箕翁坐釣魚

送國棋王逢

王子紋楸一路饒最宜簷雨竹蕭蕭羸形暗去春
泉長拔勢橫來野火燒守道還如周伏柱鏖兵不
羨霍嫖姚得年七十更萬日與子期於局上銷

宣州留贈

紅鉛濕盡半羅裙洞府人間手欲分滿面風流雖
似玉四年夫婿恰如雲當春離恨盃長蒲倚柱關
情日漸曛為報眼波須穩當五陵豪蕩莫知聞

九日齊山登高

江涵秋影鴈初飛與客攜壺上翠微塵世難逢開

口笑菊花須插滿頭歸但將醪酌酬佳節不用登
臨恨落暉古往今來只如此牛山何必淚沾衣

題宣州開元寺水閣

六朝文物草連空天澹雲閑今古同鳥去鳥來山
色裡人歌人哭水聲中深秋簾幕千家雨落日樓
臺一笛風惆悵無因見范蠡參差烟樹五湖東

寄題甘露寺北軒

曾上蓬萊宮裏行北軒欄檻最留情孤高堪弄桓
伊笛縹緲宜聞子晉笙天接海門秋水色烟籠隋
苑暮鐘聲他年會著荷衣去不向山僧道姓名

酬張祐處士見寄

七子論詩誰似公曹劉須在指揮中薦衡昔日知
文舉乞火無人作崩通北極樓臺長掛夢西江波
浪遠吞空可憐故國三千里虛唱歌辭滿六宮

懷鍾陵舊遊

滕閣中春綺席開拓枝蠻鼓殷晴雷垂樓萬幙青
雲合破浪千帆陣馬來未掘雙龍牛斗氣高懸一
榻棟梁村連巴控越知何有珠翠沉檀處處堆

歌詩言志呈上三君子

九金重鼎重丘山五王諸侯雜珮環星坐通宵狼
鬣暗成樓吹笛虎牙閑斗間紫氣龍埋獄天上洪
爐帝鑄顏若念西湖舊交友魚符應許出函關

早鴈

金河秋半虜絃開雲外驚飛四散哀仙掌月明孤
影道長門燈暗數聲來須知胡騎紛紛在豈逐春
風一一迴莫厭瀟湘少人處水多菰米岸莓苔

過洛陽城有感

一片官墻當道危行人爲汝去遲遲筆圭苑裏秋
風後長樂館前斜日時黨錮豈能留漢鼎清談空
解識胡兒千燒萬戰坤靈死慘慘終年鳥雀悲

街西長句

碧池新漲浴嬌鴉分鑠長安富貴家遊騎偶同人
鬪酒名園相倚杏交花銀鞦騾褭嘶宛馬繡鞞瓊

龍走鈿車一曲將軍何處笛連雲芳草日初斜

題青雲館

虬蟠千仞劇羊腸天府由來百二強四皓有芝輕
漢祖張儀無地與懷王雲連帳影羅陰合枕遶泉
聲客夢涼深處會容高尚者水苗三頃百株桑

聞慶州趙使君與党項戰死

將軍獨乘鐵駉馬榆溪戰中金僕姑死綬却是古
來有驕將自驚今日無青史文章爭點筆朱門歌
舞笑捐軀誰知我亦輕生者不得君王丈二笏

長安雜題

雨晴九陌鋪江練嵐嫩千峯疊海濤南花草芳眠

錦雉夾城雲暖下霓旄少年羈絡青紋玉遊女花
簪紫帶桃江碧柳深人盡醉一瓢顏巷日空高

冬至日遇京使發寄舍弟

遠信初逢雙鯉去他鄉正遇一陽生罇前豈解愁
家國輦下唯能憶弟兄旅館夜憂姜被冷暮江寒
覺晏裘輕竹門風過還惆悵疑是松窓雪打聲
奉和白相公聖德茲休運合詠盛明

行者臘破好年光萬壽南山對未央點憂可汗修
職貢文思天子復河湟應須日御西巡狩不假星
弧北射狼吉甫裁詩歌盛業一篇江漢表宣王

悲吳五城

二月春色江上來水精波動碎樓臺吳王宮殿柳
含翠蘇小宅傍花正開解舞細腰何處往能歌姹
女逐誰迴千秋萬古無消息國作荒原人作灰

李侍郎於陽羨富有泉石叙舊述懷

冥鴻不下非無意塞馬歸來是偶然紱綬公卿今
放曠白頭郎吏尚留連終南山下拋泉洞陽羨溪
中買釣船欲與明公操履杖願聞休去是何年

洛陽

文爭武戰就神功時似開元天寶中已建玄戈收
相土應迴翠輦過離宮侯門草滿宜寒兔洛浦沙
深下塞鴻疑有女娥西望處上陽烟樹正秋風

九峯樓寄張祐

百感中來不自由角聲孤起夕陽樓碧山終日思
無盡芳草何年恨即休睫在眼前長不見道非身
外更何求誰人得似張公子千首詩輕萬戶侯

唐律廣選卷之五

唐律廣選卷之六

晚唐

自郊居移八公館寄茅山高拾遺 許渾

一笛迎風萬葉飛
強攜刁筆換荷衣
潮寒水國秋砧早
月暗山城夜漏稀
叢響遠聞樵客過
浦深遙送釣舡歸
中年未識從軍樂
虛近三茅望少微

聞州中有讌寄崔大夫兼簡都群評事

蕭管筵間列翠蛾
玉盃金液耀金波
池邊雨過飄帷幕
海上風來動綺羅
顏子巷深青草遍
庾君樓迥碧山多
甘心不及同年友
卧聽行雲一曲歌

鄭侍御廳玩鶴

碧天飛舞下晴莎金閣瑤池絕網羅巖響數聲風
滿樹岸移孤影雪凌波緱山去遠雲霄迥遼海歸
遲歲月多雙翅亦開千萬里祇應棲隱戀喬柯

將歸姑蘇南樓餞李明府

無處登臨不繫情一憑春酒醉高城暫移羅綺見
山色纔駐管絃聞水聲花落西亭添別夢柳陰南
浦促歸程前期迢遞今宵短更倚朱闌待月明

題勤尊師歷陽山居

三十知兵在羽林中年潛識子房心蒼鷹出塞胡
塵滅白鶴還鄉楚水深春坼酒瓶浮藥氣晚携棋
局帶松陰雞籠山上雲多處自斲黃精不可尋

題崔處士山居

坐窮今古掩書堂二頃湖田一半荒荆樹有花兄
弟樂橘林無實子孫忙龍歸曉洞雲猶濕麝過春
山草自香向夜欲歸心萬里故園松月更蒼蒼

題韋長史山居

一官唯買畫公堂但得身閑日自長琴曲少聲重
勘譜藥丸多忌更尋方溪浮箬葉添杯綠泉遶松
根助茗香明日鯁魚何處釣門前春水似滄浪

秋日早朝

宵衣應待絕更籌環珮鏘鏘月夜樓井轉轆轤千
樹曉鎖開閭闔萬山秋龍旂盡列趨金殿雉扇纔

唐律六
分拜玉旒虛戴鐵冠無一事滄江歸去老漁舟
早發天台中巖寺度關抵天姥岑

來往天台天姥間欲求真訣駐衰顏星河半落巖
前寺雲霧初開嶺上關丹壑樹多風浩浩碧溪苔
淺水潺潺可知劉阮逢人處行盡深山又是山

和友人送僧歸桂州

楚客送僧歸桂陽海門帆勢極瀟湘碧雲千里暮
愁合白雪一聲春思長柳絮擁堤添衲軟松花浮
水注瓶香南京長老幾年別聞道半巖多影堂

郊居春日有懷府中諸公

欲學漁翁釣艇新濯纓猶惜九衢塵花前更謝依

劉客雪後空懷訪戴人僧舍覆葦消白日市樓賒
酒過青春一山桃杏同時發誰似東風不厭貧

經故卜補闕郊居

死酬知己道終全波暖孤冰且自堅鵬上承塵纔
一日鶴歸華表已千年風吹藥蔓迷樵徑雨暗蘆
花失釣船四尺孤墳何處是闔閭城外草連天

咸陽城東樓

獨上高樓萬里愁薰葭楊柳似汀洲溪雲初起日
沉閣山雨欲來風滿樓鳥下綠蕪秦苑夕蟬鳴黃
葉漢宮秋行人莫問當年事故國東來渭水流

別表兄

盧橘花香拂釣磯佳人猶舞越羅衣三洲水淺魚
來少五嶺山高鴈到稀客路晚依紅樹宿鄉關朝
望白雲歸交親不念征南吏昨夜風帆去似飛

將為南行陪崔尚書宴海榴堂

朝燕華堂暮未休幾人偏得謝公留風傳鼓角霜
侵戟雲卷笙歌月上樓賓館盡開徐穉榻客帆空
戀李膺舟謾誇書劍無歸處水遠山高步步愁

潁州從事西湖亭燕餞

西湖清燕不知回一曲離歌酒一杯城帶夕陽聞
鼓角寺臨秋水見樓臺蘭堂客散蟬猶噪桂楫人
稀鳥自來獨想征車過華洛此中霜菊遶潭開

別張秀才

不知何計寫離憂萬里山川半舊遊風捲暮沙和
雪起日融春水帶水流凌晨客淚分東郭竟夕鄉
心共北樓青桂一枝年少事莫因鱸膾涉窮秋

罷南康主人燕餞至頻暮宿東溪

晴灘水落漲虛沙此去秦兵萬里賒馬上折殘江
北柳舟中開盡嶺南花離歌不斷如留客歸夢初
驚似到家山鳥一聲人未起半牀春月在天涯

東遊留別李叢秀才

煩君沽酒強登樓聽罷離歌說遠遊文字豈勞諸
子重風塵多幸故人憂數程山路長侵驛千里家

書動隔秋起凭欄干各垂淚又驅羸馬向東州

瓜州留別李詡

泣玉三年一見君白衣顛顛更離羣楊堤惜別春
潮晚花榭留歡夜漏分孤館宿時風帶雨遠帆歸
處水連雲悲歌曲盡莫重奏心遠關河不忍聞

四皓廟

桂香松暖廟門開獨瀉椒漿奠一盃秦法欲興鴻
已去漢儲將廢鳳還來紫芝翳翳多青草白石蒼
蒼半綠苔山下驛程南窳路不知冠蓋幾人回

題衛將軍廟

武牢關下護龍旗挾槊彎弓馬上飛漢業未興王

霸在秦軍纔散魯連歸墳穿大澤埋金劍廟枕長
溪掛鐵衣欲奠忠魂何處吊葦花楓葉雨霏霏

聞韶州李相公移拜郴州因寄

詔移丞相木蘭舟桂水潺湲嶺北流青漢夢歸雙
闕曙白雲吟過五湖秋恩迴玉宸人先喜道在金
滕世不憂聞說公卿盡南望甘棠花暖鳳池頭

乘月棹舟送靈總上人不及

萬峯秋盡百泉清舊鎖禪扉在赤城楓浦客來烟
未散竹窓僧去月猶明杯浮野渡魚龍遠錫響空
山虎豹驚一字不留何足訝白雲無跡水無情

與張道士同訪李隱居不遇

千巖萬壑獨携琴知在陵陽不可尋去轍已平秋
草遍空齋長掩暮雲深霜寒橡栗供山鼠月冷菰
蒲散水禽唯有西鄰張仲蔚坐來同愴別離心

冬日登越王臺懷歸

月沈高岫宿雲開萬里歸心獨上來河畔雪飛揚
子宅海邊花盛越王臺瀧分桂嶺魚難過瘴近衡
峯鴈却回鄉信漸稀人漸老只應頻看北枝梅

匡城尋閔薛秀才不遇

音容一別近三年往事空思意浩然匹馬東西何
處客孤城楊柳晚來蟬路長草色秋山綠川濶晴
光遠水連不見故人勞夢寐獨吟風月過南燕

十二月拜起居表回

一章西奏拜仙曹回馬天津北望勞寒水欲春冰
彩薄曉山初霽雪峯高樓形向日攢飛鳳宮勢凌
波壓斷鰲空鎖烟霞絕巡幸周人誰識鬱金袍

晨起白雲樓寄龍興江準上人兼呈寶秀才

茲樓今是望鄉臺鄉信全稀曉鴈哀山翠萬重當
檻出水光千里抱城來東巖月在僧初起南浦花
殘客已回欲弔靈均能賦否秋風還有木蘭開

重遊飛泉觀題梁道士宿龍池

西巖泉落水容寬靈物蜿蜒黑處蟠松葉正秋琴
韻響菱花初曉鏡光寒雲開星月浮山殿雨過風

雷選石壇仙客不歸龍亦去稻畦長滿此池乾

再遊姑蘇王芝觀

高梧一葉下秋初迢遞重廊舊寄居月過碧窓今夜酒雨昏紅壁去年書玉池露冷芙蓉淺瓊樹風高薜荔疎明日征帆更東去仙翁應笑為鱸魚

聞釋子棲玄欲奉道因寄

欲求真訣戀禪窟羽帔方袍盡有情仙骨本微靈鶴遠法心潛動毒龍驚三山未有偷桃計四海初傳問菊名今日勸師師莫感長生難學證無生

送張尊師歸洞庭

能琴道士洞庭西風滿歸帆路不迷對岸水花霜

後溪傍簷山果雨來低杉松近晚移茶竈巖谷初寒蓋藥畦他日相思兩行字無人知處武陵溪

酬錢汝州

白雲多隨漢水流謾勞旌旆晚悠悠笙歌暗寫終年恨臺榭潛消盡日憂鳥散落花人自醉馬嘶芳草客先愁怪來雅韻清無敵三十六峯當庾樓

酬綿州于中丞見寄

故人書信越褒斜新意雖多舊約賒皆就一麾先去國共謀三逕未還家荆巫夜隔巴西月鄢郢春連漢上花半月離居猶悵望可堪垂白各天涯

鶴林寺中秋玩月

待月東林月正圓
廣庭無樹草無煙
中秋雲盡出
滄海半夜露寒當
碧天輪彩漸移金
殿外鏡光猶
掛玉樓前
莫辭遠曙殷
勤望一墮西巖又隔年

題靈山寺行堅師院

西巖一逕不通樵
八十持杯未覺遙
龍在石潭聞
夜雨鴈移沙渚見
秋潮經函露濕文
多暗香印風
吹字半銷應笑東
歸又南去越山無
路水迢迢

春日郊園賦贈楊叡

十里薰葭入薜蘿
春風誰許暫鳴珂
相如渴後狂
還減曼倩歸來語
更多門枕碧溪冰
皓耀檻齊青
嶂雪差峩野橋沽
酒茅簷下誰羨紅
樓一曲歌

晚自朝臺至韋隱君郊園

秋來鳧鴈下方塘
繫馬朝臺步夕陽
村徑繞山松
葉暗柴門臨水稻
花香雲連海氣琴
書潤風帶潮
聲枕簟涼西去磻
溪猶萬里可能垂
白待文王

贈李伊闕

桐履如飛不可尋
一壺雙笈嶧陽琴
舟橫野渡寒
風急門掩荒山夜
雪深貧笑白駒無
去意病慙黃
鵠有歸心雲間二
室勞君畫水墨蒼
蒼半壁陰

贈王山人

貫酒攜琴訪我頻
始知城市有閑人
君臣藥在寧
憂病子毋錢成豈
患貧年長每勞推
甲子夜寒初

共守庚申近來聞說燒丹處玉洞桃花萬樹春

送陸拾遺東歸

獨振儒風遇盛時紫泥初出世人知文章報主非
無意書劔還家素有期秋寺卧雲移棹晚暮江乘
月落帆遲東歸自是綠清興莫比商山詠紫芝

金陵懷古

玉樹歌殘王氣終景陽兵合戍樓空楸梧遠近千
官塚禾黍高低六代宮石燕拂雲晴亦兩江豚吹
浪夜還風英雄一去豪華盡唯有青山似浴中

姑蘇懷古

官館餘基倚棹過黍苗無限獨悲歌荒臺麋鹿爭

新草空苑鳧鷖占淺沙吳岫雨來虛檻冷楚江風
急遠帆多可憐國破忠臣死日日東流生白波

村舍

尚平多累自歸難一日身閑一日安山徑晚雲收
獵網水門涼月掛漁竿花間酒氣春風遠竹裡棋
聲夜雨寒三頃水田秋更熟北窓誰拂舊塵冠

卧疾

寒窓燈盡月斜輝玳馬朝天獨掩扉清露已凋秦
塞柳白雲空長越山薇病中送客難為別夢裏還
家不當歸唯有寄書書未達卧聞燕鴈向南飛

送上元王明府赴任

莫言名重懶驅鷄
六代江山碧海西
日照薰葭明
楚塞烟分揚柳見
隋堤荒城樹暗沉
書浦舊宅花
連番盡
谿宮滿
定知歸未得
九重霄漢有丹旂

送于明府由鄂渚歸故林

結束征車換黑貂
灞西風雨正蕭蕭
茂陵久病書
千卷彭澤初歸酒
一瓢帆背夕陽分
水濶棹經滄
海甌山遙殷勤為
謝南谿客白首螢窓未見招

重遊練湖懷舊

西風渺渺月連天
同醉蘭舟未十年
鵬鳥賦成人
已歿嘉魚詩在世
空傳榮枯盡寄浮雲外
哀樂猶
驚逝水前日暮長堤更回首
一聲鄰笛舊山川

登故洛陽城

禾黍離離半野蒿
昔人城此豈知勞
水聲東去市
朝變山勢北來宮
殿高鴉巢暮雲歸古堞
鴈迷寒
雨下空壕可憐
續續登仙子猶自吹笙醉碧桃

同韋少尹傷故衛尉李少卿

客醉更長樂未窮
似知身世一宵空
香街寶馬嘶
殘月暖閣佳人哭
曉風未卷繡
窓朱閣上已開塵
席畫屏中何復更賦
山陽笛寒日沉西水向東

哭楊樊處士

先生憂道樂清貧
白髮終為不仕身
秘阮設來無
酒客應劉匹後少
詩入山前月照孤墳曉
陵上花

開舊宅春昨夜回舟更惆悵至今鐘磬滿南鄰

宿望亭寄同志

候館人稀夜自長姑蘇城遠樹蒼蒼江湖水落高樓迥河漢秋歸廣藟涼月轉碧梧移鵲影露低紅葉濕螢光西園詩侶應多思莫醉笙歌掩畫堂

移攝太平寄李明甫

病移巖邑稱閑身何處風光賞酒頻溪柳遶門彭澤令野花連洞武陵人嬌歌自駐壺中景艷舞長留海上春早晚高臺更同醉綠蘿如帳草如茵

揚負外以僕射公拜官致仕賓僚門生合燕申賀

蓮府公卿拜後塵手持優詔掛朱輪從軍幕下三千客聞禮庭中七十人錦帳麗詞推北巷畫堂清樂掩南隣豈同王謝山陰會空叙流盃醉暮春

贈河東虞押衙

吳門風水落萍流月滿花開懶獨遊萬里山行分曉夢四鄰歌管送春愁昔年願我長青眼今日逢君盡白頭莫向樽前更惆悵古來投筆總封侯

長慶寺遇阮秀才

高閣晴軒對一峯毗陵書客此相逢晚收紅葉題詩遍秋待黃花釀酒濃山館日斜喧鳥雀石潭波動戲魚龍上方有路應知處踈磬寒蟬樹幾重

寄題華嚴韋秀才院

三面樓臺百丈峯西巖高枕樹重重晴攀翠竹題
詩滑秋摘黃花釀酒濃山殿日斜喧鳥雀石潭波
動戲魚龍今來故國遙相憶月照千山半夜鍾

送蕭處士歸緱嶺別業

醉斜烏帽髮如絲曾看仙人一局棋賓館有魚為
客久鄉書無鴈到家遲緱山住近吹笙廟湘水行
逢鼓瑟祠今夜月明何處宿九疑雲盡綠參差

凌敲臺

宋祖凌敲樂未回三千歌舞宿層臺湘潭雲盡暮
山出巴蜀雪消春水來竹殿有基荒薺合寢園無

主野棠開百年便作萬年計巖畔古碑空綠苔

驪山

聞說先皇醉碧桃日華浮動鬱金袍風隨玉輦笙
歌迥雲卷珠簾劍佩高鳳駕北歸山寂寂龍輿西
幸水涓涓娥眉沒後巡遊歇瓦落宮墻見野蒿

聞明上人逝寄友人

李遠

蕭寺曾過最上方碧桐濃葉覆西廊遊人縹緲紅
衣亂坐客從容白日長別後旋成莊叟夢書未忽
報惠休亡他時若更相隨去祇是含酸對影堂

聽話叢臺

有客新從趙地迴自言曾上古叢臺雲遮襄國天

邊去樹遶漳河地裏來絃管變成山鳥哢綺羅留
作野花開金輿玉輦無蹤跡風雨惟知長碧苔

贈杜校書

高倚霞梯萬丈餘共看移步入宸居曉隨鷓鴣排
金鎖靜對鉛黃校玉書漠漠禁烟籠遠樹泠泠宮
漏響前除還聞漢帝親詞賦好為從客奏子虛

贈南嶽僧

曾住衡陽嶽寺邊門開江水與雲連數州城郭蔽
寒樹一片風帆著遠天猿去不離行道處客來皆
到卧林前今朝惆悵紅塵裡惟憶閑塘盡日眠

吳越懷古

吳越千年奈怨何兩宮清吹作樵歌姑蘇一敗雲
無色萬里長遊水自波雲拂故城轉旆月依荒
樹想嚙蛾行人欲問西施館江鳥寒飛碧草多

咏雙白鷺

雍陶

雙鷺應憐水滿池風飄不動頂絲垂立當青草人
先見行傍白蓮魚未知一足獨拳寒雨裏數聲相
斗早秋時林塘得爾領增價况是詩家物色宜

將歸蜀留獻恩地僕射

姚鵠

自持衡鏡採幽沉此事常聞曠古今危葉只將終
委地焦桐誰料却為琴蒿萊詐報生成德犬馬空
懷感戀心明日還家盈眼血定應迴首即沾襟

王真觀尋趙尊師不遇

羽客朝元晝掩扉林中一徑雪中微松陰遶院鶴
相對山色滿樓人未歸盡日獨思風馭返寥天幾
望野雲飛凭高目斷無消息自醉自吟愁落暉

送賀知章八道

若非堯運及垂衣肯許巢由脫俗機太液始同黃
鶴下仙鄉已駕白雲歸還披舊褐辭金殿却捧玄
珠向翠微羈束慙無仙藥分隨車空有夢魂飛

贈邊將

三邊近日往來通盡是將軍鎮撫功兵統萬人為
上將威加千里攝西戎清笳遶塞吹寒月紅旆當

山肅曉風却恨北荒霑雨露無因掃盡虜庭空

望九華山

柴夔

九華如劍插雲霓青霄連空望欲迷北截吳門疑
地盡南連楚界覺天低龍池水蘸中秋月石路人
攀上漢梯惆悵舊遊無復到會須登此出塵泥

宿王屋天壇

馬戴

星斗半沉蒼翠色紅霞遠照海濤分折松曉拂天
壇雪投簡寒窺玉洞雲絕頂醮迴人不見深林磬
度鳥應聞未知誰與傳金籙獨向仙祠拜老君

賀楊収作相

薛逢

闕下憧憧車馬塵沉浮相次官遊身復知金印朝

天客同是沙堤避路人威鳳偶時因瑞聖應龍無
水謾通神丘門不是趨時客始向窮途學問津

送靈州田尚書

陰風獵獵滿旌竿白草颼颼劍戟攢九姓羗渾隨
漢節六州蕃落從戎鞍霜中入塞瑯弓響月下翻
營玉帳寒今日路傍誰不指穰苴門戶慣登壇

長安秋望

趙嘏

雲物淒涼拂曙流漢家官闕動高秋殘星數點鴈
橫塞長笛一聲人倚樓紫艷半開籬菊靜紅衣盡
落渚蓮愁鱸魚正美不歸去空戴南冠學楚囚

草堂

練江橫在草堂前楊柳洲西載酒船兩見梨花歸
不得每逢雲鳥即依然斜陽映閣山當寺微綠含
風月滿川同郡故人攀桂盡把詩吟向汝寥天

長安月夜與友人話故山

宅邊秋水浸苔磯日日持竿去不歸揚柳風多潮
未落薰葭霜冷鴈初飛重嘶匹馬吟紅葉却聽疎
鐘憶翠微今夜秦城滿樓月故人相見一沾衣

平戎

邊城一夜殷秋鞞牙帳連烽擁萬蹄武帝未能忘
塞北董生纔足使膠西冰橫曉渡胡兵合雪滿窮
沙漢騎迷自古平戎有良策將軍不用倚雲梯

經漢武泉

芙蓉苑裏起清秋漢武泉聲落御溝他日江山映
蓬鬢一年楊柳別漁舟竹間駐馬題詩去物外何
人識醉游盡把歸心付紅葉晚來隨水向東流

送宮人入道

項斯

願隨仙女董雙成王母前頭作伴行初戴玉冠多
誤拜欲辭金殿別稱名將敲碧落新齋磬却進昭
陽舊賜筆朝暮焚香繞壇上步虛猶作按歌聲

夢仙

昨宵魂夢到仙津得見蓬山不死人雲葉許裁成
野服玉漿教喫潤愁身紅樓近月宜寒水紅杏搖

風占古春次第引者行未遍浮光牽入世間塵

失鶴

秋風吹却九臯禽一片雲間萬里心碧海有情應
悵望青天無路可追尋初來白雪翎猶短欲去丹
砂頂漸深華表柱頭留語後更無消息到如今

春日東歸寄新及第苗紳

溫庭筠

幾年辛苦與君同得喪悲歡盡是空猶喜故人先
折桂自憐羈客尚飄蓬三春月照千山道十日花
開一夜風知有杏園無路入馬前惆悵滿枝紅

贈知音

翠羽花冠碧樹雞未明先向短墻啼窓間謝女青

蛾斂門外蕭郎白馬嘶星漢漸移庭竹影露珠猶
綴野花迷景陽宮裏鐘初動不語垂鞭上柳堤

開聖寺

路分礮石夾烟叢十里蕭蕭古樹風出寺馬嘶秋
色裡向陵鴉亂夕陽中竹間泉落山厨靜塔下僧
歸殿影空猶有南朝舊碑在恥將興廢問休公

宿松門寺

白石青崖世界分捲簾孤坐對氤氳林間禪室春
深雪潭上龍堂夜半雲落月蒼涼登閣在曉鐘搖
蕩隔江聞西山舊是經行地願漱寒瓶逐領軍

蘇武廟

蘇武魂消漢史前古祠高樹兩茫然雲邊鴈斷胡
天月隴上羊歸塞草烟回日樓臺非甲帳去時冠
劍是丁年茂陵不見封侯印空向秋波哭逝川

老君廟

紫氣氤氳捧半巖蓮峯仙掌共嶢嶢廟前晚色連
寒水天外斜陽帶遠帆百二關山扶玉座五千文
字閱瑤緘自憐金骨無人識知有飛龜在石函

送崔郎中赴幕

一別黔巫似斷絃故交東去更凄然心遊目送三
千里雨散雲飛二十年發跡豈勞天上桂屬詞還
得幕中蓮相思休話長安遠江月隨人處處圓

七夕

鵲歸燕去兩悠悠青瑣西南月似鈎天上歲時星
右轉人間離別水東流金風入樹千門夜銀漢橫
空萬象秋蘇小橫塘通桂楫未應清淺隔牽牛

寄清涼寺僧

石路無塵竹徑開昔年曾伴戴顓來窓間半偈聞
鐘後松下殘碁送客迴簾向玉峯歲夜雪砌因藍
水長秋苔白蓮社裡如相問為說遊人是姓雷

過五丈原

鐵馬雲騅久絕塵柳陰高壓漢營春天晴殺氣屯
關右夜半妖星照渭濱下國卧龍空誤主中原逐

鹿不因人象牀錦帳無言語從此譙周是老臣

馬嵬驛

穆滿曾為物外遊六龍經此暫淹留返魂無驗青
烟滅埋血空生碧草愁香篝却歸長樂殿曉鐘還
下景陽樓甘泉不復重相見誰道文成是故侯

上翰林蕭舍人

人間鴛鴦香難後獨恨金扉直九重萬象晚歸仁
壽鏡百花春隔景陽鐘紫微芒動詞初出紅燭香
殘詔未封每過朱門愛庭樹一枝何日許相容

柳

楊柳千條拂面絲絲烟金穗不勝吹香隨靜婉歌

塵起影伴嬌嬈舞袖垂
菴管一聲何處曲流鶯百
轉最高枝千門九陌花如雪
飛過宮牆兩自知

休澣日西掖謁所知

赤墀高閣自從容
玉女宓扉報曙鐘
日麗九華清
瑣闥兩晴雙闕翠微峯
毫端蕙露滋仙草
琴上薰風入禁松
荀令鳳池春婉婉
好將餘潤變魚龍

寒食前有懷

萬物鮮華雨乍晴
春寒寂歷近清明
殘芳在蒂雙
飛蝶曉睡朦朧百轉
鶯舊侶不歸成獨酌
故園雖在有誰耕
悠然更起嚴灘恨
一宿東風蕙草生

回中作

莽蒼寒空遠色愁
嗚嗚戍角上高樓
吳姬怨思吹
雙管燕客悲歌動
五侯千里關山邊
草暮一星烽火朔雲
秋夜來霜重西風起
隴水無聲凍不流

河中陪師遊亭

倚欄愁立獨徘徊
欲賦慚非宋玉才
滿座山光搖
劍戟繞城波色動
樓臺鳥飛天外斜
陽盡人過橋
遙倒影來添得五湖
多少恨柳花飄蕩似
寒梅

過新豐

一劍乘時帝業成
沛中鄉里到咸京
寰區已作皇
居貴風月猶含白
杜情泗水舊亭春
草遍千門遺瓦古
苔生至今留得離家
恨雞犬相聞落照明

黃陵廟

李群玉

小姑洲北浦雲邊二女明粧共儼然野廟向江春
寂寂古碑無字草芊芊東風近墓吹芳芷落日深
山哭杜鵑猶似含顰望巡狩九疑如黛隔湘川

湘陰江亭寄友人

湘岸初晴淑景逢風光正是客愁時幽花暮落騷
人水芳草春深帝子祠往事隔年如過夢舊遊回
首謾勞思烟波自此扁舟去酌酒聯文杳未期

杜丞相悰筵中贈美人

裙拖六幅瀟湘水鬢鴛巫山十朵雲顏態祇應天
上有歌聲豈合世間聞曾前瑞雪燈斜照眼底桃

花酒半醺不是相如憐賦客肯教容易見文君

湖口送友人

李頻

中流欲暮見湘烟岸草無窮接楚田去鴈遠衝雲
夢雪離人獨上洞庭船風波盡日依山轉星漢通
霄白水連零落梅花過殘臘故園歸去及新年

送邊將

防秋戎馬恐來奔詔發將軍出鴈門遙領短兵登
隴首獨橫長劍向河源旌旗落日黃雲動鼓角陰
風白草翻若使干戈更深入應聞收得到崑崙

送之以詩

紀唐夫

何事明時泣玉頻，長安不見杏園春。
鳳凰詔下雖靈命，鸚鵡才高却累身。
且飲綠醪消積恨，莫辭黃綬拂行塵。
方城若比長沙路，猶隔千山與萬津。

送劉谷

李郢

村樓西路雪初晴，雲暖沙乾馬足輕。
寒澗渡頭芳草色，新梅嶺外鷓鴣聲。
郵亭已送輕車發，山館誰將候火迎。
落日千峯轉迢遞，知君回首望高城。

上裴晉公

四朝憂國鬢成絲，龍馬精神海鶴姿。
天上玉書傳詔夜，陣前金甲受降時。
曾經庾亮三秋月下，盡羊曇一局棋。
惆悵舊堂高綠野，夕陽無限鳥飛遲。

贈羽林將軍

虬髯憔悴羽林郎，曾入甘泉侍玉皇。
鵬沒夜雲知御苑，馬隨仙仗識天香。
五湖歸去孤舟月，六國平來兩鬢霜。
唯有桓伊江上笛，卧吹三弄送殘陽。

江亭春霽

江籬漠漠荇田田，江上雲亭霽景鮮。
蜀客帆檣背歸燕，楚山花木怨啼鶯。
春風掩映千門柳，晚色淒寒萬井烟。
金磬泠泠水南寺，上方僧室翠微連。

晚泊松江驛

片帆孤客晚夷猶，紅蓼花前水驛秋。
歲月方驚離別盡，烟波仍駐古今愁。
雲陰故國山川暮，潮落空

江網罟收還有吳娃舊歌曲掉聲遙散采菱舟

早秋書懷

高梧一葉墜涼天宋玉悲秋淚灑然霜拂楚山頻
見菊雨零溪樹忽無蟬虛村暮角催殘日近寺歸
僧寄野泉青鬢已綠多病鐻可堪風景促流年

重陽日寄浙東諸從事

野人多病門長掩荒圃重陽菊自開愁裏又聞清
笛怨望中難見白衣未元瑜正及後軍樂寧戚誰
憐叩角哀紅旆紛紛碧油幕知君醉下望鄉臺

旅舍書懷寄所知

曹鄴

思量前事不堪尋牢落餘情滿素琴四海豈無騰

躍路一家長有別離心道從汨沒甘雌伏跡恐因
循更陸沉寂寞誰家帟空館異鄉時節獨沾襟

旅次岳陽寄京中親故

君山南面浪連天一客愁心兩處懸身逐片帆歸
楚澤魂隨流水向秦川月回浦北千尋雪樹出湖
東幾點烟更欲登樓向西望北風催上洞庭船

送曾德邁歸寧宜春

湘東山水有清輝袁水詞人得意歸幾府爭馳毛
義檄一鄉看侍老萊衣筵開灞岸臨清淺路去藍
關入翠微想到宜陽更無事併將歡慶奉庭闈

江城晚望

劉滄

唐律六
二十一
一望江城思有餘，遙分野迳入樵漁。青山經雨菊
花盡，白鳥下灘蘆。葉疎靜聽潮聲寒，木杪遠看風
色暮。帆舒秋期又涉，潼關路不得年年，向此居。

送友人下第歸吳

共惜年華未立名，路歧終日軫羈情。青春半是往
來盡，白髮多因離別生。楚岸帆開雲樹映，吳門月
上水烟清。東歸自有故山約，花落石林苔蘚平。

題馬尉華山莊

別開池館背山陰，近得幽竒物外心。竹色拂雲連
嶽寺，泉聲帶雨出谿林。一庭楊柳春光煖，三迳春
蘿晚翠深。自是功成閒劍履，西齋長卧對瑤琴。

宿題金山寺

一點青山翠色危，雲巖不掩與星期。海門烟樹潮
歸後，江面山樓月照時。獨鶴唳空秋露下，高僧入
定夜猿知。蕭疎水木清鍾梵，灑氣寒光動石池。

送元叙上人歸上黨

太行關路戰塵收，白日思鄉別沃州。薄暮焚香臨
野燒，清晨漱齒涉寒流。谿邊殘壘空雲水，山上孤
城對驛樓。此去寂寥尋舊跡，蒼苔蒲徑竹齋秋。

入關留別主人

此來多愧食魚心，東閣將辭強一吟。羸馬客程秋
草合，晚蟬關樹古槐深。風生野渡河聲惡，鴈過寒

原嶽勢侵對酒相看自無語幾多離思入瑤琴
留別崔潯秀才

汶陽離思水無窮去住情深夢寐中歲晚蟲鳴寒
草露日西蟬噪古槐風川分遠嶽秋光靜雲盡送
天霽色空對酒不能傷此別尺書憑鴈往來通

經揚帝行宮

此地曾經翠輦過浮雲流水竟如何香銷南國美
人盡怨入東風芳草多殘柳宮前空露葉夕陽川
上浩烟波行人造起廣陵思古渡月明聞棹歌

秋月望上陽宮

苔色輕塵鎖洞房亂鴉羣鴿集殘陽青山空出禁

城日黃葉自飛宮樹霜御路幾年香輦去天津終
日水聲長此時獨立意難盡正值西風砧杵涼

題秦女樓

珠翠香銷鴛瓦墮神仙曾向此中遊青樓月色桂
花冷碧落簫聲雲葉愁杳杳蓬萊人不見蒼蒼苔
蘚路空留一從鳳去千年後迢遞波山水石秋

春日遊嘉陵江

獨泛扁舟映綠楊嘉陵江水色蒼蒼行看芳草故
鄉遠坐對落花春日長曲岸危檣移渡影暮天樓
鳥入山光今來誰識東歸意把酒閑吟思洛陽

題敬亭山廟

森森古木列巖隈迴壓寒原霽色開雲雨即從山上起風雷多向廟中來三江入海聲長在震鶴啼天影未迴花落空庭春晝晚石床松殿滿青苔

和友人憶洞庭舊居

客舍經時益苦吟洞庭猶憶在前林青山殘月有歸夢碧落片雲生遠心谿路烟開江月出草堂門掩海濤深因君話舊起愁思隔水數聲何處砧

題王母廟

寂寥珠翠想遺聲門掩烟微水殿清拂曙紫霞生古壁何年絳節下層城鶴歸遼海春光晚花落閑階夕雨晴武帝無名在仙籍玉壇星月夜空明

寄遠

西園楊柳暗驚秋寶瑟朱絃結遠愁霜落鴈聲來紫塞月明人夢在青樓蕙心迢遞湘雲暮蘭思縈迴楚水流錦字織成添別恨關河萬里路悠悠

題龍僧房

靜室遙臨伊水東寂寥誰與此身同禹門山色度寒蒼蕭寺竹聲來晚風僧宿石龕殘雪在鴈歸沙渚夕陽空偶將心地問高士坐指洋生一夢中

宿題天壇觀

沐髮清齋宿洞宮桂花松韻滿巖風紫霞曉色秋山霽碧落寒光霜月空華表鶴聲天外迥蓬萊仙

界海門通冥心一叩虛無理寂寞玄珠象罔中

送友人遊蜀

北去西遊春未半蜀山雲雪入詩情青蘿拂水花
沉影翠靄隔巖猿有聲日出空江分遠浪鳥歸高
木認孤城心期萬里無勞倦古石蒼苔峽路清

過鑄鼎原

黃帝修真萬國朝鼎成龍駕上丹霄天風乍起鶴
聲遠海霧漸深龍節遙仙界日長青鳥度御衣香
散紫霞飄唯留古跡寒原在碧水蒼蒼空寂寥

春晚旅次有懷

晚出關河綠野平依依雲樹動鄉情殘春花盡黃

鶯語遠客愁多白髮生野水亂流臨古驛斷烟凝
處近孤城東西未遂歸田計海上青山久廢耕

寓居寄友人

雨餘虛館竹陰清獨坐書窓軫旅情芳草衡門無
馬跡古槐深巷有蟬聲夕陽雲盡嵩峯出遠岸烟
消洛水平今夜南原賞佳景月高風定苦吟生

寓居開元精舍酬薛秀才

知已蕭條信陸沉茂林扶疾卧西林菱荷風起客
堂靜松桂月高僧院深清露下時傷旅鬢白雲歸
處寄鄉心勞君詩思猶相憶題在空齋夜夜吟

汶陽客舍

年光自感益蹉跎歧路東西竟若何
窓外雨來山色近海邊秋至鴈聲多
思鄉每讀登樓賦對月空吟叩角歌
迢迢舊山伊水畔破齋荒徑閉烟蘿

晚秋洛陽客舍

清洛平分兩岸沙沙邊水色近人家
隋朝古陌銅駝柳石氏荒園金谷花
庭葉霜濃悲遠客宮城日晚度寒鴉
未成歸計關河阻空望白雲鄉路賒

經麻姑山

麻姑此地鍊神丹寂寞烟霞古竈殘
一自仙娥歸碧落幾年春雨洗紅蘭
帆飛震澤秋江遠雨過陵陽晚樹寒
山頂白雲千萬片時聞鸞鶴下仙壇

長安逢友人

上國相逢塵滿襟傾盃一話昔年心
荒臺共望秋山立古寺多同雪夜吟
風度重城宮漏盡月明高柳禁烟深
終期白日青雲路休感鬢毛霜雪侵

與僧話舊

巾爲同時下翠微舊遊因話事多違
南朝古寺幾僧在西嶺空林唯鳥歸
莎徑晚烟凝竹塢石池春色染苔衣
此時相見又相別即是關河朔鴈飛

懷汶陽兄弟

回首雲嶺思茫茫幾度關河隔汶陽
書信經年鄉國遠弟兄無力海田荒
天高霜月砧聲苦風滿寒

林木葉黃終日路歧歸未得秋來空羨鴈成行

秋夕山齋即事

衡門無事閉蒼苔籬下蕭疎野菊開半夜秋風江
色動滿山寒葉雨聲來鴈飛關塞霜初落書寄鄉
間人未迴獨坐高窓此時節一彈瑤瑟自成哀

秋日山齋書懷

啓戶清風枕簟幽蟲絲吹落掛簾鈎蟬吟高樹雨
初霽人憶故鄉山正秋浩渺葭葭連夕照蕭疎楊
柳隔沙洲空將方寸荷知己身寄烟蘿思未酬

題王校書山齋

猿鳥無聲晝掩扉寒原隔水到人稀雲晴古木月

初上雪滿空徒鶴未歸藥圃地連山色近樵家路
入樹烟微棲遲慣得滄浪思雲閣還應夢釣磯

浙江晚渡懷古

蟬噪秋風滿古堤荻花寒渡思寥寥潮聲歸海鳥
初下草色連江人自迷碧落晴分平楚外青山晚
出穆陵西此來一見垂綸者却憶舊居明月溪

鄴都懷古

昔時霸業何蕭索古木唯多鳥雀聲芳草自生宮
殿處牧童誰識帝王城殘春楊柳長川迥落日薰
葭遠水平一望青山便惆悵西陵無主月空明

經過建業

唐書六
二一八
六代興衰曾此地西風露泣白蘋花烟波浩渺空
亡國楊柳蕭條有幾家楚塞秋光晴入樹浙江殘
雨晚生霞淒涼處處漁樵路鳥去人歸山影斜

咸陽懷古

經過此地無窮事一望淒然感廢興渭水故都秦
二世咸原秋草漢諸陵天空絕塞聞邊鴈葉盡孤
村見夜燈風景蒼蒼多少恨寒山半出白雲層

長洲懷古

野燒空原盡荻灰吳王此地有樓臺千年事往人
何在半夜月明潮自來白鳥影從江樹沒青猿聲
入楚雲哀停車日晚薦蘋藻風靜寒塘花正開

長安道中早行

張泌

客離孤館一燈殘牢落星河欲曙天雞唱未沉函
谷月鴈聲新度灞陵烟浮生已悟莊周夢壯志仍
輸祖逖鞭何事悠悠策羸馬此中辛苦過流年

和友人鴛鴦之什

崔珏

翠鬢紅毛舞落暉水禽情似此禽稀暫分烟島猶
回首祇過寒塘亦並飛映霧乍迷金殿瓦逐梭齊
上玉人機採蓮無限蘭橈女笑指中流羨爾歸

唐律廣選卷之六

唐律廣選卷之七

晚唐

奉和鏡巖周尊師所居

陸龜蒙

見說身輕鶴不如石房無侶共雲居
清晨自削靈香拂獨夜空吟碧落書
千洞飛精應徧吸一莖秋髮未曾梳
知君便入懸珠會早晚來騎白鯉魚

題達上人藥圃

藥味多從遠客賚旋添花園旋成畦
三扭舊種根因異九節初移葉
高低山莢便和幽澗石朮芝須帶本池泥
從今直到清秋日又有香苗幾處齊
偶掇野蔬寄襲叟有作

野園烟裡自幽尋
嫩甲香蕤引漸深
行歇每依鴉
舅影挑頻時見鼠
姑心凌風藹彩初
携籠帶露虛
疎或貯襟欲助春
盤還愛否不妨瀟
灑似家林

奉和寄魏處士朴

經苑初成墨沼開
何人林下肯尋來
若非宗測圖
山後即是韓康賣藥回
溪籟自吟朱鷺曲
沙雲還作白鷗媒
唯應地主公田熟
時送君家麩藥材

奉和送董少卿遊茅山

威輦高懸度世名
至今仙裔作公卿
將隨羽節朝
珠闕曾佩魚符管
赤城雲凍尚含孤
石色雪乾猶墮古
松殷應知四扇靈
方在待取歸時綠
髮生

送羊振文先輩往桂陽歸覲

風雅先生去一麾
過庭才子趨歸期
讓玉門外開
帆葉義帝城中望
戟枝郢路漸寒飄
雪遠湘波初暖漲
雲連靈均精魄如
能問又得千年賈
傅詞

奉和送僧遊天台

應緣南國盡南宗
欲訪靈溪路暗通
歸思不離雙闕下
去程猶在四明東
銅瓶淨貯桃花雨
金策閒搖麥穗風
若戀吾君先拜疏
為論台嶽未封公

奉和題支山南峯禪師

眉毫霜細欲垂肩
自說初棲海嶽年
萬壑烟霞秋後到
一林風雨夜深禪
時翻貝葉添新歲
閑挿松

枝護小泉好是清冬無外事匡林齋罷向陽眠
奉和吳中書事

風清地古帶前朝遺事紛紛未寂寥三茆涼波漁
菴動五茸春草雉媒嬌雲蔽野寺分金刹月在江
樓倚玉簫不用懷歸忘此景吳王看即奉弓招

夜潛紀長句於都堂西南隅 韋承貽

褒衣博帶滿塵埃獨向都堂納卷回蓬巷幾時聞
吉語棘籬何日免重来三條燭盡鐘初動九轉丹
成鼎未開殘月漸低人擾擾不知誰是謫仙才

和于中丞登扶風亭 方干

避石攀蘿去不迷行時舉步似丹梯東軒海日已

相照下界晨雞猶未啼郭裏雲山全占寺村前竹
樹半蔽溪謝公吟望多未此此地應拚峴首齊

旅次揚州寓居郝氏林亭

舉目縱然非我有思量自在故山時鶴盤遠勢投
孤嶼蟬曳殘聲過別枝涼月照窓欹枕倦葢泉遶
石泛觴遲青雲未得平行去夢遶江南身旅羈

登新城縣贈蔡明府

揚震東來是宦遊政成登此自消憂草中白道穿
村去樹裏青溪照郭流縱目西山宜永日開襟五
月似高秋不知縣籍添新戶但見川原桑柘稠

兵後尋邊

李山甫

千里烟砂盡日昏戰餘燒罷閉重門新成劍戟皆
農器舊着衣裳盡血痕捲地朔風吹白骨掛天青
氣泣幽魂自憐長策無人問羞戴儒冠傍塞垣

公子家二首

曾是皇家幾世侯入雲高第照神州柳遮門戶橫
金鎖花擁絃歌咽畫樓錦袖妬姬爭巧笑玉街驕
馬索閑遊麻衣欲獻平生業醉倚春風不點頭
柳底花陰壓露塵醉烟輕罩一團春鴛鴦占水能
嗔客鸚鵡媵籠解罵人腰裏似龍隨日換輕盈如
燕逐年新不知買盡長安笑活得蒼生幾戶貧

賀邢州盧貞外

紫泥飛詔下金鑿列象分明世仰觀北省諫書藏
舊草南宮郎署握新蘭春歸鳳沼恩波暖曉入鴛
行瑞氣寒偏是此生棲息者滿衣零淚一時乾

漢武帝思李夫人

曹唐

惆悵朱顏不復歸晚秋黃葉滿天飛拖風細苜蓿傳
香粉隔水殘霞見畫衣白玉帳寒鴛夢絕紫陽宮
遠鴈書稀夜深池上蘭撓歇斷續歌聲接太微

羽林賈中丞

四十年前百戰身曾驅虎隊掃邊塵風悲鼓角榆
關暮日落旌旗隴草春鐵馬慣牽邊上客金魚多
解乞佳人曾中別有安邊計誰承鬢白似銀

三年冬大禮二首

皇帝齊心潔素誠自朝真祖報昇平華山秋草多
歸馬滄海銀波絕洗兵銀箭水殘河勢斷玉爐烟
盡日華生千官整肅三天夜劍佩初聞入太清
太一天擅降紫君屬車龍鶴夜成群春浮玉藻寒
初落露拂金莖曙欲分三代樂迴風入律四溟歌
駐水成文千官不動旌旗下日照南山萬樹雲

送劉尊師祗詔闕庭

海風葉葉駕霓旌天路悠悠接上清錦誥淒涼遺
去恨玉簫哀絕醉離情五湖夜月幡幢濕雙闕清
風劍佩輕從此暫辭華表柱便應千載是歸程

穆王宴王母於流霞館

桑葉扶疎閉日華穆王邀命宴流霞霓旌著地雲
初駐金奏掀天月欲斜歌咽細風吹粉藻飲酣清
露濕瑤砂不知白馬紅韁解偷喫東田碧玉花

漢武帝將候西王母下降

崑崙疑想最高峯王母來乘五色龍歌聽紫鸞猶
縹緲語來青鳥許從容風迴水落三清月漏苦霜
傳五夜鐘樹影悠悠花悄悄若聞簫管是行蹤

漢武帝於宮中宴西王母

鼇岫雲低太乙壇武帝齋潔不勝懽長生碧字期
親署延壽丹泉許細看劍佩有聲宮樹靜星河無

影禁花寒秋風裊裊月朗朗王女清歌一夜闌

王遠宴麻姑蔡經宅

好風吹樹杏花香花下真人道姓王大篆龍蛇隨
筆札小天星斗滿衣裳閑拋南極歸期晚笑指東
溟飲興長要喚麻姑同一醉使人沽酒下餘杭

劉阮洞中遇仙子

天和樹色靄蒼蒼霞重嵐深路渺茫雲竇滿山無
鳥雀水聲公澗有笙簧碧沙洞裏乾坤別紅樹枝
前日月長願得花間有人世不令仙大吠劉郎

仙子送劉阮出洞

殷勤相送出天台仙境那能却再來雲液旣歸須

強飲玉書無事莫頻開花當洞口應長在水到人
間定不迴惆悵溪頭從此別碧山明月照蒼苔

仙子洞中有懷劉郎

不將清瑟理霓裳塵夢那知鶴夢長洞裏有天春
寂寂人間無路月茫茫玉沙瑤草連溪碧流水桃
花滿澗香曉露風燈零落盡此生無處訪劉郎

劉阮再到天台不復見仙子

再到天台訪玉真青苔白石已成塵笙歌冥冥閑
深洞雲鶴蕭條絕舊隣草樹總非前度色烟霞不
似昔年春桃花流水依然在不見當時勸酒人

杜蘭香下嫁於張碩

天上人間兩渺茫不知誰嫁杜蘭香
來經玉樹三山遠去隔銀河一水長
怨入清塵愁錦瑟酒傾玄露醉
瑤觴遺情更說何珠重擘破雲鬢
金鳳凰

張碩重寄杜蘭香

碧落香銷蘭露秋星河無夢夜悠悠
靈妃下降三清駕仙鶴空成萬古愁
皓月隔花追歎別飛烟籠樹想淹留
人間何事堪惆悵海色西風十二樓

萼綠華將歸九疑留別許真人

九點秋烟黛色空綠華歸思頗無窮
每悲馭鶴身難住長恨臨霞語未終
河影暗吹雲夢月簫聲閑落洞庭風
藍絲重勒金條脫留與人間許侍中

織女懷牽牛

北斗佳人雙淚流眼穿腸斷為牽牛
封題錦字凝新恨拋擲金梭結舊愁
桂樹三天雲漠漠銀河一帶水悠悠
欲將心就仙郎說借問榆花早晚秋

贈南岳馮處士

寂寥深木閉烟霞洞裏相知有幾家
笑看潭魚吹水沫醉噴溪鹿喫蕉花
穿厨歷歷泉聲細繞屋悠悠樹影斜
夜靜著灰封釜竈自添文武養丹砂

送康祭酒赴輪臺

灞水橋邊酒一杯送君千里赴輪臺
霜黏海眼旗聲凍風射犀文甲縫開
斷磧簇烟山似火野營軒

地鼓如雷分明會得將軍意不斬樓蘭不擬迴

贈杭州嚴使君

章孝標

卅青縣白湖河濱飽向蒼龍闕下聞鼓角自嚴寒
海月旌旗不動濕江雲風騷處處文章主井邑家
家父母君長恐抱轅留不住九天鴛鴦待成羣

送金可紀歸新羅

登唐科第語唐音望日初生憶故林鮫室夜眠陰
火冷蜃樓朝泊曉霞深風高一葉飛魚背湖淨三
山出海心想把文章合夷樂蟠桃花裡醉人參

客恨

李昌符

古原南北舊蕭疎高木風多小雪餘半夜病吟人

寢後百年閑事酒醒初頻招兄弟同佳節已有兵
戈隔遠書肥馬王孫定相笑不知岐路厭樵漁

寒食山館書情

來鵬

獨把一杯山館中每經時節恨飄蓬侵堦草色連
朝雨滿地梨花作夜風蜀魄啼來春寂寞楚囚吟
後月朦朧分明記得還家夢徐孺宅前湖水東

金陵夜泊

羅隱

冷烟輕淡傍衰叢此夕秦淮駐斷蓬樓鳥遠驚沽
酒火亂鴉高避落帆風地銷旺氣波聲急山帶秋
陰樹影空六代精靈人不見思量應在月明中

杜陵秋思

南望商於北帝都兩堪棲托兩無圖只聞斥逐張
公子不覺悲同楚大夫巖畔早涼生紫桂井邊疎
影落高梧一杯綠酒他年憶瀝向清波寄五湖

登夏州城樓

寒聲獵獵成旗風獨倚危欄悵望中萬里山川唐
土地千年魂魄晉英雄離心不忍聽邊馬往事應
須問塞鴻好脫儒冠從校尉一枝長戟六鈞弓

憶九華

九華巉崿瘳柴扉長憶前時此息機黃菊倚風村
酒熟綠蒲低雨釣魚歸干戈已是三年別塵土那
堪萬事違回首佳期多少恨夜闌霜露又沾衣

暇日投錢尚父

牛斗城邊女宿間棟梁虛敞麗江關望高漢相東
西閣名重淮王大小山醴設闔傾金鑿落馬歸爭
撼玉連環自慚麋鹿無能事未報深恩髮已斑

春日投錢元帥尚父

正憂衰老辱金臺敢望昭王顧問來塞外旌旗屯
虎豹壁間章句動風雷三都節已聯翩降兩地花
應次第開若比紫髯分鼎足未聞餘力有瓊瓌

書情獻相公

年來白髮欲星星誤却生涯是一經魏闕望來何
日見商歌奏罷復誰聽孤根獨棄慙山木弱質無

成狀水萍今日更復詢哲匠不應休去老巖扃

秋日有酬

舊業傳家有佩刀近聞揮刃更揮毫腰間印綬黃
樞貴卷裏文章白雪高宴罷佳賓吟鳳藻獵歸諸
將問龍韜登壇甲子纔三十猶擬迴頭賭錦袍

送梅處士歸寧國

十五年前即別君別時天下未紛紜亂離且喜身
俱在存沒那堪耳更聞良會謾勞悲曩跡舊交誰
去吊荒墳殷勤為謝逃名客想望千秋嶺上雲

寄喬逸人

南經湘浦北揚州別後風帆度幾游春酒誰家禁

爛熳野花何處最淹留欲憑尺素邊鴻懶未定雕
梁海燕愁長短此行須入手更饒君占一年秋

題表溪張逸人所居

蒲梢健健燕差差數里溪光日落時芳樹文君機
上錦遠山孫壽鏡中眉雞窓夜靜開書卷魚檻春
深展釣絲若使浮名拘絆得世間何處有男兒

西京通德里

秦樹團團多結陰此中莊舄動悲吟一枝丹桂未
入手萬里滄波長負心老去漸知時態薄愁來惟
願酒盃深七雄三傑今何在休為閑人淚滿襟

送人歸湘中兼寄舊知

唐律七
青溪烟雨九華山亂後應同夢寐間萬里分飛休
掩袂兩旬相見且開顏君依宰府貂蟬貴我戀王
門鬚髮斑為謝伏波筵上客幾時金印擬西還

東歸途中作

松橘蒼黃覆釣磯早年生計近年違老知風月終
堪恨貧覺家山不易歸別岸客帆和鴈落遠程霜
葉向人飛買臣嚴助精靈在應笑無成一布衣

早春送張坤歸大梁

蕭蕭羸馬正塵埃又送歸軒向吹臺別酒莫辭今
夜醉故人知是幾時迴泉經華岳猶應凍花到梁
園始合開為謝東門抱關吏不堪惆悵滿離杯

送章碣赴舉

萍鹿歌終別酒催粉闈星彩動昭回久經離亂心
應破乍覩昇平眼漸開顧我昔年悲玉石憐君今
日蘊風雷龍門盛事無因見費盡黃金老隗臺

籌筆驛

拋擲南鄉為主憂北征東討盡良籌時來天地皆
同力運去英雄不自由千里山河輕孺子兩朝冠
劍恨誰周唯餘巖下多情水猶解年年傍驛流

湘中見進士喬胡

吳公臺下別經秋破虜城邊暫駐留一笑有時堪
解夢數年無處不同遊雲牽楚思橫漁艇柳送鄉

心入酒樓且酌松醪依舊醉誰能相見向春愁
大梁從事居汜水

前年帝里從行塵記得仙家第四人
泉暖舊諳龍偃息露寒初見鶴精神
歌成上榻梁園晚夢遶殘鍾
汜水春知有篋中篇什在只應從此是經綸

寄前宣州竇常侍

往年西謁謝玄暉罇酒留懽醉始歸
曲檻柳濃鶯未老小園花嫩蝶初飛
噴香瑞獸金三尺舞雪佳人玉一圍
今日亂離尋不得滿蓑風雨釣魚磯

秋夜寄進士顧榮

秋河耿耿夜沉沉往事二更盡
到心多病謾勞窺

聖代薄才終是費知音
家山夢後帆千尺塵土搔來髮一簪
空羨良朋盡高價可憐東箭與南金

高驛樓東望有感

山川去接漢江東曾伴隋侯醉
此中歌逸夜梁珠宛轉舞嬌春
席雪朦朧棠遺善政陰猶在
薤送哀聲事已空惆悵知音竟難得
兩行清淚白楊風

春日宿崇賢里

羅鄴

柳暗榆飛春日深
水邊門巷獨來尋
舊山共是經年別
新句相逢竟夕吟
枕近禁街聞曉鼓
月當高竹見棲禽
勞歌莫問秋風計
恐起江河垂釣心

鍾陵崔大夫罷鎮攀隨匡廬寺宿

唐律七
十一
一拋文戰學從公兩逐旌旗宿梵宮酒醒月移窓
影昨夜涼身在水聲中侯門聚散真如夢花界登
臨轉悟空明發不堪山下路幾程愁雨又愁風

歲仗

玉帛朝元萬國來雞人曉唱五門開春排北極迎
仙馭日捧南山入壽杯歌舜薰風鏗劍珮祝堯嘉
氣霽樓臺可憐四海車書共重見蕭曹佐漢村

早發

一點燈殘魯酒醒已携孤劍事離程愁看飛雪聞
雞唱獨向長空背鴈行白草近關微有路濁河連
底凍無聲此中來往元迢遞况是驅羸客塞城

上陽宮

春半上陽花滿樓太平天子昔巡遊千門雖對嵩
山在一笑還隨洛水流深鎖笙歌巢燕聽遙瞻金
碧路人愁翠華却自昇仙去腸斷宮娥望不休

流水

漾漾悠悠幾派分中浮短艇與羣鷗天街帶雨淹
芳草玉洞漂花下白雲靜稱一竿持處見急宜孤
館覺來聞隋家柳畔偏堪恨東入長淮日又曛

覽陳丕卷

雪宮詞客夢宮遊一軸烟花象外搜謾把蜀紋當
畫展徒誇湘碧帶春流吟時使我寒侵骨得處疑

君白盡頭從此南歸明月夜嶺猿灘鳥更悠悠
冬日寄獻庾負外

曾謁仙宮最上仙西風許醉桂花前爭歡酒蟻浮
金爵從聽歌塵撲翠蟬秋霽捲簾凝錦席夜閑吹
笛稱江天却思紫陌觥籌地免飲烏沉欲半年

東歸

日日唯憂行役遲東歸可是有家歸都緣桂玉無
門住不筭山川去路危秦樹夢愁黃鳥轉吳江釣
憶錦鱗肥桃夭李艷清明近惆悵當年意盡違

長安春夕旅懷

幾年棲旅寄西秦不識花枝醉過春短艇閑思五

湖浪羸蹄愁傍九衢塵關河風雨迷歸夢鐘鼓朝
昏老此身忽向太平時節過一竿持去老遺民

曲江春望

故國東歸澤國遙曲江晴望憶漁樵都緣北闕春
先到不是南山雪易消瑞景玉樓開組繡薇聲丹
禁奏雲韶雖然未得陪鷓鴣亦酌金觴祝帝堯

長安書懷

秦韜玉

涼風吹雨滴寒更鄉思欺人撥不平長有歸心懸
馬首可堪無寐枕蛩聲嵐收楚岫和空碧秋染湘
江到底清早晚身閑着蓑去橘香深處釣船橫

春晚岳陽言懷

崔魯

烟花零落過清明異國光陰老客情雲夢夕陽愁
裏色洞庭春浪坐未聲天邊一與舊山別江上幾
看芳草生獨凭闌干意難寫暮笳嗚咽起孤城

和進士張曙聞鴈見寄

崔塗

斷行哀響適相催爭趁高秋作恨媒雲外關山聞
獨去渡頭風雨見初來也知榆塞寒須別莫戀蘋
汀暖不迴試向富春江畔過故園猶合有地臺

己亥歲感事

正聞青犢起葭萌又道黃巾犯漢營豈是將皆無
上略直疑天自棄蒼生瓜沙舊戍猶傳檄吳楚新
春已廢耕見說聖君能仄席不知誰是請長纓

贈僧亞齊

翁承贊

蕭蕭風雨建陽溪溪畔維舟見亞齊一軸新詩劍
潭北十年舊識華山西吟魂惜向江村老空性元
知世路迷應笑乘軺青瑣客此時無暇聽猿啼

贈婺州蘇負外

章碣

帝念瓊枝欲並芳星分婺女寄仙郎鸞從闕下
辭侶鴈到江都却續行烟月一時搜古句山川兩
地植甘棠即看龍虎西歸去便佐羲軒活萬方

春別

擲下離觴指亂山趨程不待鳳笙殘花邊馬嚼金
銜去樓上人垂玉筍看柳陌雖然風裏暮愁河猶

自雪漫漫殷勤莫厭貂裘重恐犯三邊五月寒

九日偶懷寄張起居

鄭谷

令節爭歡我獨閑荒臺盡日向晴山軍無酒況金
英菊謾道官趨玉笋班深愧青莎迎野步不堪紅
葉照衰顏羨君官重多吟興醉帶東陂落照還

次韵和盧侍郎江上秋夕寓懷

盧郎到處覺風生蜀郡留連亞相情亂後江山非
瘦信夜來烟月屬袁宏夢歸蘭省寒星動吟向莎
洲宿鷺驚未脫白衣頭半白叨陪屬和信為榮

峽中嘗茶

簇簇新英摘露光小江園裏火煎嘗吳僧謾說鴉

山好蜀叟休誇烏鬚香合座半甌輕泛綠開緘數
片淺含黃鹿門病客不歸去酒渴更知春味長

獻制誥楊舍人

為郡東吳祗飲冰瑣闥須降鳳書徵隨行已有朱
衣吏伴直多招紫閣僧窓下調琴鳴遠水簾前睡
鶴背秋燈暈陂竹塢情無限閑話毗陵問杜陵

漂泊

槿墜蓮疎池館清日光風緒澹無情鱸魚所繪輸
張翰橘樹呼奴羨李衡十口漂零猶寄食兩川消
息未休兵黃花催促重陽酒何處登高望二京

鷓鴣

唐律二

十一

暖戲烟蕪錦翼齊品流應得近山難雨昏青草湖
邊過花落黃陵廟裏帝遊子乍聞征袖濕佳人纔
唱翠眉低相呼相喚湘江濶苦竹叢深春日西

蜀中二首

馬頭春向鹿頭關遠樹平蕪一望間雪下文君沽
酒市雲巖李白讀書山江樓客恨黃梅後村落人
歌紫芋間堤月橋燈好風景漢庭無事不征蠻
夜多無雨曉生塵草色嵐光日日新蒙頂茶畦千
點露浣花笺紙一溪春揚雄宅在唯喬木杜甫臺
荒絕舊隣却共海棠花有約數年留滯不歸人

聞魯望遊顏家林園病中有寄 皮日休

一夜韶姿著水光謝家春草滿池塘細挑泉眼尋
新脉輕把花枝嗅宿香蝶欲試飛猶護粉鶯初學
轉尚羞簧分明不得同君賞盡日傾心羨索郎

寄題玉霄峯葉尊師所居

青冥獨上玉霄峯元始先生戴紫蓉曉案瓊文光
洞壑夜壇香氣惹杉松閑迎仙客來為鶴靜嘆靈
符去是龍子細捫心無偃骨欲隨師去肯相容
元達年逾八十好種名藥余竒而訪之

香蔓蒙籠覆昔邪檜烟杉露濕袈裟石盆換水撈
松葉竹徑遷牀避笋芽藜杖移時挑細藥銅餅盡
日灌幽花支公謾道憐神駿不及今朝種一麻

逢僧

曹松

高僧不負雪峯期，却伴青霞入翠微。
百葉巖前霜欲降，九枝松上鶴初歸。
風生碧澗魚龍躍，威振金樓燕雀飛。
想得白蓮花上月，滿山猶帶舊光輝。

陪河南李中丞宴隱溪

竹林啼鳥不知秋，羅列飛橋水亂流。
飄散抑絲回玉勒，約開蓮葉上蘭舟。
酒邊舊侶真何遜，歌裏新聲是莫愁。
若值主人憐晝短，應陪秉燭夜深遊。

南海旅次

憶歸休上越王臺，歸思臨高不易裁。
為客正當無鴈處，故園誰道有書來。
城頭早角吹霜盡，郭裡殘

潮蕩月回心似百花閑，未得年年爭向被春催。

裏娜

韓偓

裏娜腰肢淡薄粧，六朝宮樣窄衣裳。
着詞暫見櫻桃破，飛盡還聞豈蔻香。
春惱情懷身覺瘦，酒添顏色面生光。
此時不敢分明道，風月應知暗斷腸。

苑中

上苑離宮處處迷，相風高與露盤齊。
金階鑄出後，猊立玉柱雕成翡翠啼。
外使調鷹初得按，中官過馬不教嘶。
笙歌錦繡雲霄裡，獨許詞臣醉似泥。

春盡

惜春連日醉昏昏，醒後衣裳見酒痕。
細水浮花歸

別澗斷雲含雨入孤村人閑易得芳時恨地迥難
招自古魂慚愧流鶯相厚意清晨猶為到西園

避地寒食

避地淹留已自悲况逢寒食欲沾衣殘春孤館人
愁坐斜日空園花亂飛路遠漸憂知己少時危又
與賞心違一名所繫無窮事爭敢當年便息機

交河

胡曾

交河冰薄目遲遲漢將思家感別離塞北草生蘇
武泣隴西雲起李陵悲曉侵埤堦烏先覺春入關
山鴈獨知何處疲兵心最苦夕陽樓上笛聲時

清和縣樓作

韋莊

有客微吟獨凭樓碧雲紅樹不勝愁盤鵬迥仰天
心沒遠水斜牽日脚流千里戰塵連上苑九江歸
路隔東周故人此地揚帆去何處相思雪滿頭

歎落花

一夜霏微露濕烟曉來和淚喪嬋娟不隨殘雪埋
芳草盡逐香風上舞筵西子去時遺笑靨謝娥行
處落金鈿飄紅墮白堪惆悵少別穠華又隔年

途中望雨懷歸

滿空寒雨漫霏霏去路雲深鎖翠微牧豎遠當烟
草立飢禽閑傍渚田飛誰家樹壓紅榴折幾處籬
懸白菌肥對此不堪鄉外思荷蓑遙羨釣人歸

王道者

五雲遙指海中央，金鼎曾傳肘後方。
三島路歧空有月，十洲花木不知霜。
因擘竹枝聞龍氣，為使仙童帶橘香。
應笑我曹身是夢，白頭猶自學詩狂。

酬吳秀才雪川相送

一葉南浮去似飛，楚鄉雲水本無依。
離心不忍聞春鳥，病眼何堪送落暉。
挾袂客從花下散，掉舟人向鏡中歸。
夫君別我應惆悵，十五年來識素衣。

登漢高廟閑眺

獨尋仙徑上高原，雲雨深藏古帝壇。
天畔晚峯青簇簇，檻前春樹碧團團。
參差郭外樓臺小，斷續風

中鼓角殘一帶，遠光何處水釣船。
閑繫夕陽灘

婺州屏居蒙王拾遺枉訪病闕延候

三年流落卧漳濱，王粲思家拭淚頻。
盡角莫吹殘月夜，病心方憶故園春。
自為江上樵蘇客，不識天邊侍從臣。
惟得白鷗驚去盡，綠蘿門外有朱輪。

西塞山下作

西塞山前水似藍，亂雲飛絮滿澄潭。
孤峯漸映漁城北，北片月斜生夢澤南。
巒動曉烟烹紫鱖，露和香蒂摘黃柑。
他年却掉扁舟去，終傍蘆花結一菴。

夏口寄婺州諸弟

回頭烟樹各天涯，婺女星邊遠寄家。
盡眼楚波連

夢澤滿衣春雪落江華雙雙得伴爭如鴈一一歸
巢却羨鴉誰道我隨張博望悠悠空外泛仙槎

北原閑眺

春城回首樹重重立馬平原夕照中五鳳灰殘金
翠滅六龍遊去市朝空千年王氣淨清洛萬古神
靈鎮碧嵩欲問向來陵谷事野桃無語淚花紅

家叔南歸因獻賀

繚繞江南一歲歸歸來行色滿戎衣長聞鳳詔徵
兵急何事龍韜捷稀旅夢遠依湘水濶離魂空
伴越禽飛遙知倚棹思家處澤國烟深暮雨微

感遇寄李祕書

南望愁雲鎖翠微謝家樓閣雨霏霏劉禎病後新
詩少阮籍貧來好客稀猶喜故人天外至許將孤
劍日邊歸懷鄉不怕嚴陵笑只待秋風別釣磯

東遊遠歸

扣角干名計已踈劍歌休思食無魚辭家柳絮三
春半臨路槐花七月初江上欲尋漁父醉日邊時
得故人書青雲不識揚生面天子何由問子虛

思歸

暖思無力自悠揚牽引東風斷客腸外地見花終
寂寞異鄉聞樂更淒涼紅垂野岸櫻還熟綠染迴
汀草又芳舊里若為歸去好子期凋謝呂安亡

贈戍兵

漢皇無事暫遊汾底處狐狸嘯作群夜指碧天占
晉分曉磨孤劍望秦雲紅旌不卷風長急畫角閑
吹日又曛至竟有征須有戰洛陽何用久屯軍

聞官軍繼至

嫖姚何日破重圍秋草深來戰馬肥已有孔明傳
將略更聞王導得神機陣前擊鼓晴應響城上烏
鴛飽欲飛何事小臣偏注目帝鄉遙羨白雲歸

憶昔

昔年曾向五陵遊子夜歌清月滿樓銀燭樹前長
以晝露桃花下不知秋西園公子名無忌南國佳

人號莫愁今日亂離俱是夢夕陽唯見水東流

黃藤山下聞猿

黃藤山下駐歸程一夜號猿吊旅情入耳便能生
百恨斷腸何必待三聲穿雲宿處人難見望月啼
時老正明好笑五陵年少客壯心無事也沾纓

題盤豆驛水館

極目晴川展畫屏地從桃塞接蒲城灘頭鷺占清
波立原上人侵落照耕去鴈數行天際沒孤雲一
點淨中生憑軒盡日不迴首楚水吳山無限情

寄右省李起居

已向鷓鴣行接鴈行便應雙拜紫微郎纔聞闕下徵

書急已覺朝中草詔忙白馬似憐朱紱貴綠衣遙
惹御爐香多慚十載遊梁客却換青衿侍素王

咸陽懷古

城邊人倚夕陽樓城上雲凝萬古愁山色不知秦
苑廢水聲空傍漢宮流李斯不向倉中悟徐福應
無物外遊莫恠楚吟偏斷骨野烟蹤迹似東周

江南送李明府入關

雨花烟柳傍江村流落天涯酒一樽分手不辭多
下淚迴頭唯恐更消魂我爲孟館三千客君繼寧
王五代孫正是中興磐石重莫將樵悴入都門

題袁州謝秀才所居

主人年少已能詩更有松軒掛夕暉芳草似袍連
徑合白雲如鳥傍蒼飛但將竹葉消春恨莫遣楊
華上客衣若有前山好烟雨與君吟到暝鐘歸

中渡晚眺

魏王堤畔草如烟有客傷時獨扣舷妖氣欲昏唐
社稷夕陽空照漢山川千重碧樹籠春苑萬縷紅
霞觀碧天家寄杜陵歸不得一迴迴首一潸然

江樓望鄉寄內子

劉蕪

獨上江樓望故鄉淚襟霜笛共淒涼雲生隴首秋
雖早月在天心夜已長魂夢只應隨蛺蝶烟波無
計學鴛鴦蜀箋都有三千幅揔寫離情寄孟光

訪飲妓不遇招酒徒不至

小橋流水接平沙
何處行雲不在家
畢卓未來輕竹葉
劉晨重到帶桃花
琴樽冷落春將盡
幃幌蕭條日又斜
回首却尋芳草路
金鞍拂柳思無涯

貴遊

綉衣公子宴池塘
淑景融融萬卉芳
珠翠照天春未老
管絃臨水日初長
風飄柳線金成穗
雨洗梨花玉有香
醉後不能離綺席
擬憑青帝繫斜陽

送從弟舍人入蜀

嘉陵江畔餞行車
離袂難分十里餘
餘懷慨莫誇心似鐵
留連不覺淚成珠
風光川谷梅將發
音信雲

天鴈未踈立馬攀鞭無限意
會稀別遠擬何如

自遣

未上亨衢獨醉吟
賦成無處博黃金
家人莫問張儀舌
國士須知豫讓心
照乘始堪沽善價
陽春爭忍混凡音
鷗鵬鱗翼途程在
九萬風雲海浪深

去年今日

去年今日到榮州
五騎紅塵入郡樓
龜虎只知迎太守
蠻夷不信是儒流
姦豪已息時將泰
疲瘵全蘇歲又周
聖主若容辭重祿
便歸烟水狎羣鷗

投所知

張贛

十五年看帝里春
一枝頭白未翻身
自聞離亂開

公道漸數孤平少，屈人劣馬再尋高。嶺路扁舟重寄越，溪濱省郎門似龍門峻。應借風雷變酒鱗。

長安春望

明時不敢卧烟霞，又見秦城換物華。殘雪未銷雙鳳闕，新春已發五侯家。甘貧祇擬長絨酒，忍病猶期彊採花。故國別來桑柘盡，十年兵踐海西涯。

贈九江太守

江頭暫駐木蘭船，漁父來誇太守賢。二邑旋添新戶口，四營漸廢舊戈鋌。笙歌不似經荒後，禮樂猶如未戰前。昨日西亭從游騎，信旗風裏說詩篇。

邊情

窮荒始得靜天驕，又說天兵擬渡遼。聖主尚嫌蕃界近，將軍莫恨漢庭遙。草枯朔野春難發，冰結河源夏半銷。惆悵臨戎皆効國，豈無人似霍嫖姚。

中春寫懷寄沈彬負外

李建勳

自從騎竹學謳吟，便滯光陰役此心。寓目不能閑一日，閉門長膝得千金。牕懸夜雨殘燈在，庭掩春風落絮深。唯有故人同此興，近來何事懶相尋。

新柳

顧雲

帶露含烟處處垂，絳黃搖綠嫩參差。長堤未見風飄絮，廣陌初憐日映絲。斜倚畫筵偷舞態，低臨粧閣學愁眉。離亭不放到春暮，折盡拂簷千萬枝。

客舍秋晚夜懷故山

黃滔

寥寥深巷客中居况值窮秋百事疎孤枕憶山千里外破窓聞雨五更初經年荒草侵幽徑幾樹西風鏢弊廬長繫寸心歸未得起挑殘燭獨躊躇

留別宗人郎中邁

滕倪

秋初江上別旌旗故國無家淚欲垂千里未知投足處前程便是聽猿時誤攻文字身空老却返漁樵計已遲羽翼凋零飛不得丹霄無路接差池

贈非烟

趙象

珍重佳人惠好音絲綫花翰兩情深薄如蟬翼誰供眼密似蠅頭未寫心疑是落花還碧洞又思輕

雨滿幽襟百回消息千回夢裁作長謠寄綠琴

別洛下知己

譚用之

十年流落賦歸鴻誰傍昏衢駕燭龍竹屋亂烟思梓澤酒家疎雨夢臨邛千年別恨調琴懶一片年光覽鏡慵早晚休歌白石爛放教歸去卧羣峯

和人

魚玄機

茫茫九陌無知己暮去朝來典繡衣寶匣鏡昏蟬鬢亂博山爐暖麝烟微多情公子春留句少思文君晝掩扉莫惜羊車頻列載柳絲梅綻正芳菲

傷蔡處士

僧護國

篋中遺草是琅玕對此空令洒淚看三徑尚餘行

跡在數螢猶是映書殘
晨光不借泉門曉
暝色唯添壠樹寒
欲問皇天天更遠
有才無命說應難

哭衛尚書

僧靈一

畫戟重門楚水陰
天涯欲暮共傷心
南荆雙履痕猶在
北斗孤魂望已深
蓮花幕下悲風起
細柳營邊曉月臨
前路茫茫向誰問
感恩空有淚沾襟

江行寄張舍人

客程終日風塵苦
蓬轉還家未有期
林色曉分殘雪後
角聲寒奏落帆時
月高星使東看遠
雲破雙鴻欲度遲
流蕩此心難共說
千峯澄霽隔瓊枝

送明素上人歸楚覲省

能將踈懶背時人
不厭孤萍任此身
江上昔年同出處
天涯今日共風塵
平湖舊隱應殘雪
芳草歸心未隔春
前路倍憐多勝事
到家知慶綠衣新

題周鍊別業

僧皎然

隱身岩上欲何如
不著青袍愛綠蘿
柳巷任疎容騎入
水籬從破許船過
昂藏獨鶴閑心遠
寂歷秋花野意多
若訪禪齋遙可見
竹牕書幌共烟波

送人入蜀

僧貫休

何必閑吟蜀道難
知君心出險城間
心常秋夜江陵去
容易春浮錦水還
兩面碧懸神女峽
幾重青出丈人山
文君酒市逢初雪
滿貫新沽洗旅顏

送秦先師歸南嶽

石龕閑鑱白猿邊歸去途程半在松林簇曉霜
水寺路穿新燒入山泉已尋嵐壁臨空盡却看星
辰向地懸有興寄題紅葉上不妨收拾別為編

題棲霞僧房

僧慶默

名山不許買山錢任創花宮近碧巔松桂老依雲
裡寺樓臺深鎖洞中天風經險嶂迴踈兩石倚危
屏掛落泉欲結茅菴共師坐肯饒多少薜蘿烟

唐律廣選卷之七終

